


雲南通志 二十

陽明文庫圖書
共 三冊
學習院圖書館

新編之
5-86
ウ1

十七



近衛
5-86
ウ1



1115217



雲南通志卷之第二十

近衛本

名宦 忠烈附

國家綏靖邊疆尤急良吏漢用任延而交阯寧
唐任徐申而邕管靖是其效已滇處僻遠蒞茲
土者戡定之功恒與輯和相半乃歷考秦漢以
後南中遺愛史不絕書蘋薦相仍閱千餘載而
不替遺澤之感人可謂遠矣近世鄉大夫仰承
聖化大者功業懋著德化昭垂諸如勞心撫字而惠
澤播於閭閻者至今父老猶能言其姓名爵里

雲南通志

卷之二十

名宦

一

而歌詠不衰豈非流風餘韻歷久難忘者乎至
致命竭忠尤與史冊相輝映綜而附列之高山
仰止景行行止後有作者可以興矣作名宦志

總部

漢

陳

立

字少遷臨邛人故金城司馬初為連然
長不肅令諸蠻畏之成帝河平中夜郎
王興等治兵相攻遣使和解不從刻木象漢
吏立道旁射之杜鄴說大將軍王鳳曰漢使
和解諸蠻王侯王侯受詔已復相攻輕易漢
使不憚國威其効可見恐議者復守和解彼
得收獵其衆申固其謀黨助衆多雖有孫吳
黃育智勇無所施屯田守之費不可量宜因

其罪惡未戒選任職太守入誅其王侯尤不
軌者鳳然之因薦立為牂牁太守立至牂牁
斬夜郎王興諸蠻震恐降立還郡與妻父翁
指與興子邪務收餘兵迫脅旁二十二邑反
立與郡尉長史分將攻之翁指據扼為壘立
使奇兵以絕饗道縱反間以誘其衆都尉萬
年曰兵久不決費不可供引兵獨進敗走趨
立營立怒叱戲下令格之都尉復還戰立引
兵救之時天大旱立攻絕其水道蠻彝共
斬翁指持首出降

東漢

文

齊

廣漢人西漢末為益州太守造陂池通
灌溉墾田二千餘頃率厲兵馬修障塞
降集羣彝甚得其和及公孫述據蜀齊固守
據險述拘其妻子許以封侯齊不降聞光武
卽位乃間道遣使自關蜀平徵為鎮
遠將軍封成義侯卒詔立廟祀之

張

翕

巴郡人永平間益州太守政化清平在郡十七年卒人慕之如喪父母

張

湍

翕之子明帝以翕有遺愛拜湍仍父職人懼迎道路嘖嘖曰郎君儀貌類我府君

王

阜

蜀郡人章帝元和中為益州太守政化尤異有神馬四匹出滇池中甘露降白

鳥見始興學
校漸遷其俗

張

喬

益州刺史事
詳大事考

楊

竦

益州從事以刺史張喬命討封離竦偵知賊盛未遽進先以詔書示三郡密徵

死士懸重賞與封離大戰破之斬首三萬餘級獲生口千五百資財四千餘萬悉犒軍士封離等惶怖斬其渠帥乞降於是三十六種蠻悉來款附尋病創卒喬哀之上其功勒銘焉

繪像
焉

李

顯

巴郡人初為太尉掾靈帝熹平五年諸蠻叛執太守雍陟御史朱龜討之不克

朝議欲棄之顯建策討伐乃拜顯益州太守發板楯蠻擊破之獲雍陟歸諸蠻平

龐

芝

益州刺史與
顯同討叛彝

景

毅

廣漢人李顯卒後諸彝復叛以毅為太守討定之毅初到郡斛米萬錢及至漸

以仁恩未期月米
價減至數十文

張

亮則

字元修南鄭人拜荆太守威著南土永昌越雋彝謀欲反畏亮則臨郡乃止

蜀漢

董

和

字幼宰南郡枝江人漢末率宗族西遷益州牧劉璋以為牛鞞江原長蜀土殷

富時俗奢侈和躬率以儉所在皆化後遷益州太守其清約如前與諸蠻從事務推誠心南土愛而信之先王定蜀徵為掌軍中郎將署左將軍大司馬府事

費

詩

健為人章武中為梓潼太守昭烈即位詩上疏曰陛下憤曹氏篡竊糾眾討賊今大敵未克而先自立恐人心疑惑昔高祖以楚約先入關者王及子嬰就降尚懷推讓今不法高祖愚不為陛下取也左遷永昌從事

諸葛亮

瑯琊人建興元年領益州牧事詳大事考

馬

忠

字德信閬中人拜梓潼太守自朱蒙亂後忠撫理甚有威惠及劉胄反擾亂郡以忠代張翼為東降都督忠遂斬胄平南彝加奮威將軍封博陽亭侯忠有度量忿怒不形於色恩威並立彝人畏愛及卒流涕盡哀立廟祀之

張

嶷

字伯岐南充人從馬忠討劉胄戰鬪常冠軍曾實斬胄平南彝梓潼與古獠種復反忠令嶷往討嶷召降二千餘人悉傳詣漢中初越雋郡彝數反殺太守是後太守遙望安定不進至是以嶷為越雋太守嶷悉將所領往郡誘以恩信諸蠻頗降附在郡十五年邦域安睦徵詣成都彝隨之朝貢者百餘人後卒越雋諸蠻聞之悲泣立廟四時水旱

之祀

晉

李

毅

天水人廣漢主簿太康中罷寧州入益州以毅為校尉持節統兵鎮南中監五

毛

孟

寧州治中惠帝末西南彝叛會刺史李毅卒孟詣京師求救不見省孟固請曰

君于親喪幽閉窮城萬里訴哀不垂愍救既
慙包胥無畏秦之感又槐梁妻乏崩城之驗
存不若于乞賜臣死朝廷
憐之乃以王遜為刺史

王

遜

字邵伯魏興人永嘉間寧州刺史先為
南彝校尉披荒糾屬威行寧土事詳大

事考

姚

嶽

成帝時寧州裨將軍先是越雋漢嘉二
郡并於李雄雄又遣李驥等渡廬水寇
寧州王遜使嶽拒之戰於堂狼
川大破之晉寧至今有祠祀

董

霸

永嘉中以平樂太守
破牂牁平彝等地

梁

王

紀

武帝時為益州都督建寧越雋叛紀振
旅通道撫定彝人

隋

梁

睿

字特德安定烏氏人開皇中為益州總
管討平王謙之亂彝獠畏服彝酋爨震
恃遠不賓睿請以寧州朱
提盧南西爨置總管從之

梁

毗

字景和安定烏氏人高祖時以直杆權
貴出為西寧州刺史在州十二年先是
蠻彝酋長皆服金冠以金多為豪雋由此皆
遞相凌奪每尋干戈邊境無寧歲昆蟲之後
因諸蠻長相幸以金遺毗於是置金坐側對
之慟哭而謂之日此物饑不可食寒不可衣
汝等以此相滅不可勝數今將此來欲殺我
耶一無所納悉以還之於是蠻彝感悟遂不
相攻擊高祖聞而舍之
徵為散騎常侍大理卿

唐

帝仁壽

京兆萬年人高祖時擢雋州都督府長史南寧州納款朝廷歲遣使撫至幸食

沓邊人苦之帝素聞仁壽治理詔檢校南寧州都督寄治越雋詔歲一按行慰勞仁壽將兵五百人循西洱河開地數千里稱詔置七州十五縣蠻豪皆來賓見即授以牧宰威令簡嚴人皆安悅將還蠻長泣曰天子藉公鎮撫奈何欲去我仁壽以池壁未立為解諸蠻即相率築城起解再旬畧具仁壽乃告以實曰吾奉詔第撫循庸敢擅留南中父老乃悲啼祖行遣子弟隨貢方物天子大悅仁壽請徙治南寧州詔可勅益州給兵護送刺史竇軌疾仁壽功誅言山獠方叛未可以勅遠畧遂不遣仁壽歲餘卒

趙孝祖

永徽中以左領軍將軍為郎州道行軍總管討南寧白水蠻平之因奏勃弄以西與標榆洱河相接無大部長好結讐怨明年移兵大破西南彝撫而安之其境遂定

韓思彥

字英遠鄧州人高宗朝為監察御史巡察劍南益州高貴兄弟相訟屢年不決思彥勸厨人飲以乳二人悟罷肩相泣曰彝獠不識孝義公無乃以兄弟共乳而生耶乃請輟訟至西洱河誘叛蠻降之璽書褒美焉

常臯

字城武京兆萬年人貞元初為劍南節度使兼雲南安撫使事詳大事考

李德裕

字文饒太和四年為鄭滑節度使徙劍南西川節度使事詳大事考

郭釗

文宗太和間以兵部尚書帥劍南時南詔攻梓州釗盛兵以備遺書責蠻長王巖巖巖以杜元穎侵擾為解因決意遣使入貢天子嘉之時白居易有蠻子朝詩蓋美釗之轍遠

元

雲南通志

卷之二十一

名宦

六

元良合台

蒙古人元世祖討南蠻諸國以合台

總督兵事自且當嶺入雲南境麼斐
二部蠻長唆火脫因塔裏馬來迎降遂至金
沙江合台分兵入白蠻察罕章破其寨柵又
攻阿塔刺半空和寨絕其汲道子阿木迎擊
寨兵退走遂并其弟阿叔城俱拔之進取龍
會關入大理分兵取附都善闡轉攻烏蠻合
刺章水城又破羅部大會高昇進至押赤城
城際滇池三面皆水由北門縱火攻之不克
乃出奇制勝至昆澤擒其王段智興及渠帥
馬合刺昔以獻出師二年平大理二十七部
請悉置郡從之賜其軍銀幣授銀印加大元
帥還鎮
大理

勃古思

從世祖征花馬國率兵千人結浮橋於
金沙江以濟師中統初論功授益州等

路宣撫使
賜金虎符

贍思

同回人其國言賽典赤猶華言貴族也
世祖至元十一年拜平章行省撫雲南

時宗王脫忽魯鎮滇感於左右具甲兵為備
丁舍處之王大悅錄是政令一聽丁所為十
二年奏諸彝未附者多今嚴宣慰司兼行元
帥府事立聽行省節制又奏哈刺章雲南瘴
地宜改置令長竝從之十三年以所改雲南
郡縣上聞乃教民以禮作陂池以備水旱創
建孔子廟講經史置學田文教稍興又相地
置鎮每鎮土酋吏百夫長各一人行者或劫
掠則罪之有土吏數輩為丁所黜至京誣其
專僭數事帝頗待臣曰丁憂國愛民此輩之
告誣也命械送丁既至脫械諭之且與以官
職皆叩頭謝誓以死報交趾叛服不常遣人
諭以禍福約為兄弟交趾王大喜乞為藩臣
羅榮旬叛往征之有憂色從者問故曰憂汝
曹冒鋒鏑不幸以無辜死又憂汝曹劫虜平
民使叛則又從而征之耳師次羅槃三日不

降諸將請攻之不許俄而將卒有乘城進攻者還鳴金止之召而叱曰吾奉命安撫不奉命殺戮也無王將命而擅攻法當誅命左右縛之諸將叩會請俟城下從事羅榮主聞之曰平章寬仁拒命不祥乃舉國降諸彝聞風翕然款附彝會每謂見例有獻納悉賜從官貧民秋毫無所私為酒食勞酋長製衣冠易其并服草履會皆感悅丁居雲南六年卒年六十九百姓巷哭葬歸關北門交趾王遣使哀經致祭帝思其功詔省臣守其成事不得輒改大德元年贈咸陽王諡忠惠子五人長納速刺丁次哈刺廣東道宣慰使都元帥次忽辛亥苦寒丁九默里建再路總管次馬速忽雲南諸路行中書省平章政事

納速刺丁

贈思丁長子累官雲南路宣慰使帥大理及軍抵金齒蒲縵曲臘緬國招

安藝寨三百籍戶十二萬二百定租賦置郵傳立衛兵歸以馴象十二入貢時雲南省臣撫綏失方殺納速刺丁行中書省左丞尋陞右丞建言三事一謂雲南省規措所造金薄質易病民且罷一謂雲南有省有宣慰司又有都元帥府近宣慰司已罷行省既兼領軍民則元帥府亦當罷一謂雲南官員子弟入質達官子弟當遣餘宜罷奏可二十一年進平章政事奏減哈刺章冗官歲省俸金九百餘兩專入督屯田課程歲增金五千兩二十九年年卒贈中書左丞相延安王子十二人忽先雲南行省平章政事沙的雲南行省左丞

忽辛 贈思丁子大德間改雲南行省左丞既至條諸不便事言於宗王王不可忽辛與左丞劉正馳還京師有旨令宗王協力施行由是一切病民之政悉罷豪民避徭役往往投充宿衛有司不勝供給忽辛按朝廷原額所無者悉籍為民減其宿衛三分之一馬

龍曾謀叛陰與賊通事覺宗王為左右所蔽
 釋不問忽辛與劉正反覆研鞫反狀盡得竟
 斬之軍糧支給吏錄為姦忽辛籍軍戶姓名
 及倉廩處所為更番支給吏姦殆除先是贖
 思丁建孔廟為學校撥田五頃以供祭祀殺
 養贖思丁卒田為大德寺所有忽辛按廟學
 舊籍歸之乃復下諸郡立廟學選文學為之
 師文風以興王府畜馬多悉縱之郊敗民禾
 稼而牧人騷擾民無寧居忽辛度地置草場
 藉室使為牧所民得以安廣南會沙奴梗化
 忽辛遣使誘致待之以禮留數月不遣會請
 還忽辛曰汝欲還可納印來會不得已齋印
 至忽辛置酒宴勞諷令偕印入覲帝大悅大
 德五年緬會負固忽辛遣人諭之曰我老養
 典赤平章子也惟先訓是遵凡官府於汝國
 所不便之事當為汝更之緬會聞遂與使者
 偕來獻白象一既入帝賜緬會以世子之號
 烏蠻等租賦歲頒軍費索忽辛以剽掠論

諸蠻不遣一卒而租賦成足俄有為飛語惑
 宗王者忽辛馳報朝廷遣使臨問凡造言之
 徒悉謀之忽辛偕使者還觀至大德三年卒
 贈雍國公諡忠簡子二人伯杭中慶路達魯
 赤花

張立道

字顯卿陳留人至元中以王府文學從

厚民即署立道勸農官領屯田事元帥實合
 丁毒殺忽哥赤立道潛結義士得十三人約
 共討賊刺臂血和金屑飲之推一人走京師
 告變事頗露實合丁乃囚立道將殺之提舉
 張忠者於立道為族兄結壯士夜劫出共走
 及實合丁伏誅有旨召立道等入朝帝曰汝
 等為我家事甚勞苦今欲事朕乎事太子乎
 事安西王乎惟意所向立道等奏願留事陛
 下於是賜立道金五十兩以旌其忠張忠等
 亦皆授官有差十年三月領大司農事中書

以立道熟於雲南奏授大理等處巡行勸農使佩金符其地有昆池環五百餘里夏潦暴至必冒城郭立道求泉源所自出殺丁夫治之洩其水得壤地萬餘頃俱為良田爨爨之人蘆桑未得其法立道教之嗣養滇民富庶羅羅諸蠻相率來降收其地悉為郡縣十五年除中慶路總管佩虎符又修建孔子廟置學舍教其子弟擇士之賢者為師歲時率諸生行釋菜禮人習禮讓行省平章賽典赤表言於朝有旨進官十七年入朝請於帝以雲南王子也先帖木兒襲王爵帝從之遂命立道為臨安廣西道宣撫使兼管軍招討使陛辭賜以弓矢衣服鞍馬始赴任會禾泥路大酋領必思反煽動諸蠻亟發兵討之拔其城邑鼓行而前徇金齒甸七十城越麻甸我朝蒲皆下之有遺以馴象金鳳異物者悉獻諸朝二十二年又籍兩江德士貴岑從厥李維屏所部戶二十五萬有奇以其籍歸有司遷

臨安廣西道單氏宣撫使復創廟學於建水路書清白之訓於公廨以警貪墨風化大行入朝條陳十二策帝嘉納焉三十年皇曾孫松山封梁王出鎮雲南大德二年廷議求舊臣可為輔梁王行者立道遂以陝西行臺侍御史拜雲南行省參政卒於官

愛

魯

昔里餘部子也襲為大名路達魯花赤至元五年從雲南王征金齒諸部蠻兵萬人總線甸道擊之斬首千餘級諸部震服陸年再入定其租賦平火不麻等二十四砦得七馴象以還七年改中慶路達魯花赤兼管爨焚軍十年平章賽典赤行省雲南令愛魯疆理永昌增田為多十一年閣中慶版籍得隱戶萬餘以四千元卹其地屯田十六年遷雲南諸路宣慰使副都元帥明年復立雲南行省拜參知政事明年烏蒙羅佐山白水江蠻叛復討平之又明年諸王相吾答兒帥諸將征納愛魯供餉餽無乏絕二十五年卒

贈平章政事諡毅敏子教化中書平章政事請於朝贈其祖昔里鈐部太師諡貞獻加贈愛魯太師追封魏國公政諡忠節

趙世延

字子敬其先雍古族人居雲中至元二十一年授雲南諸路提刑按察使司判官時年二十有四烏蠻叛會省臣以軍討之蠻軍大潰請降擢監察御史累官四川肅政廉訪大中間八百媳婦為邊患右丞劉深往討兵敗還粟市於是右丞何忽台當繼行世延言蠻彝宜羈縻而重煩天討致軍旅亡失誅戮省臣籍使盡得其地何補於國今窮兵驥武實傷聖治朝廷第當選重臣付以邊寄兵宜寢事聞樞密院謂用兵大事不宜以一人之言為興廢世延再疏兵竟罷後官至中書平章政事封魯國公諡文忠

程思廉

字介甫至元二十六年為雲南行御史臺中丞始至蠻彝部長來賀詞若遜而意甚倨思廉奉宣德意緩懷遠人且明示禍福聞者懼服雲南舊有學校而禮教不興思廉力振起之始有從學問禮者

劉正

字清卿清州人大德元年為雲南行中書省左丞時右丞忙兀突魯迷失請征緬正以為不可師果無功雲南民歲輸金銀其差官必先重賂省臣乃得差遣及至雲南徵收金銀之數必十加一而拆閱之數又如之其送迎饋贐亦如納官之數正疏革其弊給官稱俾土官自輸納彝民便之

支渭興

字文學邵陽人至順庚午進士為雲南行省考試官道梗詬雲南屢進宣慰副都元帥有惠政能文章所著詩集行於世

李京

字景山河間人大德五年由樞密宣慰烏蠻尋陞烏撒等道宣慰副使佩虎符

兼管萬戶時烏蒙等地隸雲南行省京方下
車會羣蠻不靖拔行調發饋給鎮撫周履滇
境後悉其見聞為誌畧四卷以進
翰林學士虞伯生元明善序之

王旦八

字山堂號飛山子西夏人至正間行省雲
南右丞多善政深得軍民之心有遺愛焉

忙古帶

斡丹人父保童世祖時賜金符襲父職
為隨路新軍總管從行省也速帶兒征

蜀及思播有功陞萬戶從攻羅必甸至雲南
詔以其衆入緬迎雲南王金齒白衣荅奔諸
蠻往往伏險要為構忙古帶奮擊破之凡十
餘戰至緬境開金齒道奉王以還遷副都元
帥從諸王阿台征交趾至白鶴江與交趾僞
昭文三戰奪其戰艦八十七艘又從雲南王
攻羅必甸破之二十九年入覲成宗即位授
烏撒宣慰使遷大理金齒都元帥六年討平
烏撒羅羅斯賜鈔銀鞍轡弓矢九年平羅雄
叛賊進驍騎衛上將軍雲南行中書省左丞

宣慰使都元帥卒於軍至大四年贈龍虎衛
上將軍平章政事仍追封濮國公諡威愍子

火你赤
襲萬戶

也罕的斤

匝刺魯人至元十七年征幹端拜雲
南行省叅知政事二十一年與右丞

太卜諸王相荅吾兒分道征緬造舟二百艘
進攻江頭城拔之獲其銳卒萬人命都元帥
來世英守之且圖其形勢遣使請闕具陳攻
守之方隨遣黑的楊林招降不報諸叛蠻據
建都太公城以拒大兵復遣僧諭以禍福反
為所害遂督軍進擊破之金齒等千餘城皆
降命都元帥合帶萬戶不都蠻等以兵五
千戍之二十八年改四川行樞密副使卒

朶兒赤

字明道西夏寧州人世祖時為雲南廉
訪副使時諸蠻叛僚佐悉稱故而去赤

獨居守又八月省城大懼歸符印欲逐赤自
梁王檄之乃出及為雲南廉訪使會行省丞

相帖木帖兒羅織安撫使法花魯丁將置於極刑赤曰生殺繫於天子方面之臣專殺意將何為法花魯丁竟獲免尋復其官熒彝與蠻相讐殺時省臣受賂助其報讐乃詐奏蠻叛起兵殺良民赤奏劾廢之年六十二歲卒於官

也先不花

蒙古怯烈氏世祖二十三年拜雲南

諸種熒彝為變討平之遂立登雲等路府州縣六十餘所得戶二十餘萬官其部長定其

貢稅邊境以寧

怯烈

西域人世居太原由譯使從平章賽典赤經畧川陝至元十二年立雲南行省

署為幕官諸洞蠻彝部長款服怯烈功居多十五年分省大理會緬人入寇以戰具資軍士討平之授行中書省左右副員外郎十八年平章納速剌丁遣諸關數使邊事世祖愛

其才辯錫虎符拜鎮西緬麓川等路宣撫司達魯花赤兼管軍招討使成都烏蒙諸驛阻

絕怯烈市馬給傳往來便之俄被詔上問征緬事宜奏對稱旨賜幣帛及翎根甲諸王相

答吾兒右丞大卜征緬命怯烈率兵船為鄉導授江頭城振旅而還復從雲南王之緬總

兵三千屯鎮驃國設方畧招徠其黨由是復業者衆後入覲世祖慰勞之詢以緬國始末

擢僉緬中行中書省事佩金符領詔於緬宣布威德緬王稽顙稱謝遣世子信合入朝入

貢遷雲南諸路行中書省參知政事進雲南諸路行中書省左丞大德四年以病卒

張萬家奴

至元間進副都元帥將四川湖南兵

征哈刺章時雲南惡昌多興羅羅諸彝皆叛殺掠使者州郡莫能制遂以其兵討之民為之立祠二十年從征緬戰死雲南王

命子保童將其軍從征入太公城有功襲副都元帥

楊祚 字慶之文宗時廉訪僉事有才畧所至以興學化人為先務

張瑾 字君錫河南人號王溪至正間為雲南廉訪副使鋤強旌善奸惡遠遜常行部

至徵江辯釋禁獄五十餘斬決冗案三百餘人皆頌之

明

沐英 詳封建

沐晟 詳封建

沐昂 詳封建

梅思祖 洪武中雲南既平命掌布政使司事善於撫輯軍民安之

陳迪 字景道江南宣城人幼備黨有節操洪武初郡學訓導歷陞雲南布政使時曲

靖烏蒙烏撒彝蠻猖獗迪率兵討之捷聞賜金幣陞禮部尚書

張紘 字昭季陝西富平人由儒士洪武初平雲南以紘為右叅政陞左布政使凡雲

南貢賦法令壇祠公署一切典禮皆所規定彝民悅服治行為天下第一特令吏部勿考

賜璽書褒勞歷任三十年陞吏部尚書

王俊 字大用合肥人洪武五年先任雲南都司指揮使二十二年陞都指揮同知調

廣南衛適儂真佑叛帥眾攻之傾其穴擒真佑以獻斬首數千級獲輜畜無算築城設衛

而還永樂初以入賀陞都指揮使拜文綺屏帶之賜在任三十餘年戎事無巨細多所綜

理

陳遜 福建浦城人永樂中為雲南左叅政陞右布政使博學有志操卒於官無以為

殮都督沐昂經
理其喪歸之

鄭進善

江南婺源人永樂中巡按雲南風裁峻整奸貪膽落婦人童豎知其威名

周

新 廣東南海人由監生先任御史慷慨敢言人目之曰冷面寒鐵永樂中歷雲南

按察使執法公平不畏強禦有疑獄剖析立決尋改浙江興政日著周憲使之名聞於天下以捕治錦衣紀綱之黨千戶某為綱所誣奏逮至抗陳綱罪不少屈上怒殺之

周樂

江西吉水人永樂中任按察副使以清操著譽卒於官篋中經史數帙凡殯殮

皆察案為之辨

周彥奇

江西吉水人永樂間任僉事麓川緬甸警殺單騎深入宣布國威諭以禍福各

彝俛首而服遂解去

張雄

溧陽人任雲南都指揮僉事有勇善撫士卒征交趾多立功後平鐵索蠻卒於軍

王善

字思舜福建侯官人宣德中任叅議敦大不苛麓川叛善進兵金齒值歲歉衆

議和翟善曰兩者皆病民乃蠲僧寺徭役命出粟數萬饑民賴之永寧鹽井土蠻爭地讐言殺善為剖析俱帖服

楊寧

錢塘人正統間麓川反寧以刑部郎往諭後從王驥有功陞雲南巡撫及麓川

平晉刑部侍郎叅理軍務寧有才畧善撫軍民邊境賴之以安

張麟

字仲祥鳳陽人剛介有才畧先任雲南左衛指揮僉事後陞都指揮僉事理此

禮區處精當蒙優詔獎其廉公老成

譙明

四川眉州人正統間巡按雲南剛明廉介雪冤抑之婦撫木邦之彝歸簷獲鹿

殺微
安全

馮

郁

浙江安吉人正統間任楚雄府知府時征麓川師經楚滋郁調度有方緩急不

失後委總督糧儲陞
本省布政司叅政

賴

巽

江西人正統間為按察使廉公有威執法不撓官吏敬憚卒於官

李

福

字天祐江西安仁人先任瀾滄衛指揮僉事從征麓川有功陞雲南都指揮僉

事守備瀾滄訓練士卒蕃
不敢犯後陞都指揮同知

李

鉉

字大用山東夏津人征麓川有功陞雲南都指揮僉事分守洱海姚安公勤惠

仰之
愛軍民

鄭

顥

浙江錢塘人正統間任按察副使尋陞巡撫練達嚴肅政教大行尤善屬文

何楚英

湖廣攸縣人景泰間為右布政使政績著聞賜璽書褒美

何

純

字惟一江西新淦人成化間臨安副使適寇盜克斤純至立哨堡嚴捕逮賊皆

歛迹加意學校暇日親講
經義正文體後卒於官

王

恕

三原人清直弘毅廉公嚴明德行文章卓然師表成化間巡撫雲南華池方積

年之害阻貂鬻寶玩禽獸之獻止侵漁田土之弊禁參隨騷害絕交吐貿易法行中倖威

振外
彝

朱

暲

字景文江南高郵人成化間按滇興學校導水利行部至金齒修築諸葛亮舊

利之
堰軍民

溫

琮

字廷瑞四川華陽人成化間按滇中官錢能貪橫琮執法不阿能斂手避之風

裁特著

樊瑩

字廷璧浙江常山人成化間按滇繩貪

用兵瑩精勤明敏時交人越界掠殺方議

書晦五日復以南刑部侍郎奉勅考察雲貴

姚旭

號景陽江南桐城人以刑科建言外遷

彝德之後監征蠻軍與大瑞忤及賊平議敘

蕭然著詩

劉鈺

字伏和江西安福人成化間任按察使

捷徑往安南假朝命求賂安南知其詐縱之

關者脫歸巡撫王恕令鈺捕之郭懼赴井死

安以

沐誠

字擇善贊長子七歲通孝經論語長襲

草書叔父武僖器之贊卒軍民合辭乞誠繼

諸蠻為邊患率兵往

沐詳

字擇明贊次子以撫鎮奏授錦衣衛指

遣使納貢成化二十一年蒲酋阿林莽丘連

甚厚二十二年于崖作亂討之尋以他事註

議罷歸滇城卒

何琛 字廷猷四川成都衛人弘治間官御史卓有操守權豪屏息時征叛彝將官擅

殺冒功琛劾奏得旨治如律人咸快之

張誥 字汝欽華亭人弘治五年巡撫雲南興水利建倉廩備兵食革奸弊時有濬河

之役給糧不時驕兵鼓噪誥撫諭遂定民賴以安

席書 字文同四川遂寧人弘治五年雲南書晦五日勅大臣考察雲貴諸吏書以部

郎上疏言致災之由係朝廷不係雲貴在大臣不在庶官上時事于言正德十二年任右

布政使霑益土舍構亂贊剿有功

趙鑾 字廷振江陵人弘治間任安會道僉事訟牒旁午剖決如流土官鴛鴦難治者

立實於法剿平箐寨境內又安

李孟暉 字時泰河南睢州人弘治間任臨安兵備副使修學宮置樂器陞陝西按察使

郭緒 字繼業河南太康人弘治間任兵備參議時思豐據金沙徇徠緒單騎往撫至

益賴去金沙僅二舍彝咸驚曰漢官亦能至此發兵環之緒拔劍示將校期以翼日渡江

豐聞遣使請命緒宣勅諭先叙其勞次伸其冤後責其叛豐伏泣稽首請歸侵地及還力

卻覲遣事聞陞四川參政

王槐 字應貞山西陽曲人弘治間任金騰兵備以嚴率下強橫斂手歷八年如一日

王一言 字行之四川內江人弘治間任臨安兵備凡城池軍旅糧餉之事井井有條軍

民利病悉與除之

姚祥 字應龍廣東歸善人弘治間任金滄副使剛直明練所至履覈均徭役禁私派

吏以冒賄得罪者百餘人民甚戴之

周

熊

字應文陝西長安人正德間按滇任法不少貸一時貪墨望風解組

張

璞

字仲美湖廣江夏人正德間按滇剛正不阿凡彝險悉皆涉歷時鎮守太監梁

王

裕監取物貨民不堪命璞盡釐革之太監與鶴慶貪酷同知敖英構謀誣奏逾瑾受裕賂

逮捕下獄卒贈太僕少卿

林

俊

字待用福建莆田人弘治間以按察使駐鶴慶有元化寺以活佛惑眾歲時爭以金泥其面俊命焚之父老言不可犯恐致雷損稼後令積薪伺之果電即止已而無驗遂焚之得金數百鎰悉輸於官代民償逋毀邊方淫祠三百六十餘所學宮傾壞撤其材新之並創築趙州城一時貪墨望風解綬衛官虐軍者寘之法民得休息後歷官刑部尚

書盜貞肅

范

鏞

字鳴遠臨洮人正德間巡撫雲南時大獨不附瓊郵之時富民典史高韶先任御史以劾瓊謫官鏞薦之瓊益憾遂誣鏞擅委都司奏逮下獄欲加重罪久之得降調嘉靖改元詔錄用鏞已卒賜祭復其官

唐

龍

字虞佐浙江蘭谿人正德間按滇先是中璫錢能為鎮守有廝養錢寧者滇人也始州性機警為能信用指揮盧和附能門下言相人術一見寧謂當大貴私結之寧拜和為父後和以寧寵冒陞全齒叅將挾讐勘死平民四人櫻屍以滅其迹又強奪生員妻事發坐斬寧為和奏辯下鎮巡覆鞫正德十一年審囚使者至寧陰囑出和獄且使揚金齎書於龍龍堂裂而還之曰和詐為耳一日使者語龍曰和欲以無屍當未滅龍折之曰

四人無屍益和燬之耳此而未滅則天下酷吏紛然燬人之屍吾實不能縱今日富貴立至其如三尺何使者語塞龍郎令械和送獄一時咸稱唐直指中流砥柱也土官鳳朝明被奏革職陰遣使劉宣董溥載金寶賄寧勝鎮撫求為題襲龍至巡撫首以此來會龍不可駁還其封客有為朝明者曰鳳氏持萬金伺半載矣龍正色曰郎萬金一芥耳斯言何為其人慙而去朝明復哀求寧寧令宣溥詐冒滇人保舉得內批襲知府實寧詐為之部檄下臬司時沈仁輔為按察使鞫問按治如律龍備言鳳氏及朝明罪惡與不當襲狀執奏於朝下部時驗封郎中蘇天秀如龍原議覆奏得旨朝明仍降土舍刑處以正至今稱焉

陳察

字原習江南常熟人正德間按滇每行部青驪布袍周行箚棘訪民間得失彰

善鑿惡岳守而下大儒服墨吏解綬中貴請摧鎮銀以佐度支費察持不可曰此兵端也彼睹其利余睹其害竟罷議金齒帥挾中貴人處而醫察劾治如律時武宗亡嗣察自滇上疏諫見

王

倬

字用檢江南太倉人正德間任按察使時關鎮貪橫彝孽竊發倬匡濟之力居多且有操持羣議不能搖

聶

賢

字承之四川長壽人正德間任金滄副使以祛奸釐弊為務時大理衛有指揮素貪虐誚媚貴官賢至徐勸誘使盡吐其私賄還故主然後繫之獄聞者快焉

平世用

字德充四川內江人正德間任瀾滄兵備副使築城有捍禦功卒於官

何孟春

字子元湖廣郴州人正德間任巡撫博雅冠一時政務簡靜時有石言之異薦

於神蟒飛石
裂亦異政也

劉節

字介夫江西大庾人正德間任金騰兵備廉正有威臨事果斷與軍民恩義相洽時兩鎮閩貪甚節以法繩之力為裁抑權宦劄目亦不敢犯革鎮之議自此始未幾遷廣西按察使累官南京吏部左侍郎

謝朝宣字汝為陝西西安衛人嘉靖間按滇礦所之

顧應祥

字維賢浙江長興人嘉靖中兩次撫滇傳大軒豁不事苛察文章行誼一時推重滇人祠祀與王三原何柳州並

王啓

字景昭黃巖人嘉靖間任右副都御史建書院治城郭復永昌府治諸所壁書

鮑象賢

字復之江南歙縣人嘉靖間任副使豁達練事備兵臨安畫安南之役其功尤偉後陞兵部左侍郎

蔣宗魯

字道父貴州晉安人嘉靖間任巡撫精宜調劑完元江之局見黔記

呂光洵

字信卿浙江新昌人嘉靖間兵部尚書兼右都御史巡撫雲南時方多故竭忠宣力誅鳳繼祖於武定斬王一新於易門殲高欽於姚安昆陽裔甸黥賊以次芟除邊境寧以

徐瓚

字朝儀浙江永康人嘉靖間任左布政使安銓之變瓚言於巡撫歐陽重謂賊敢

稱亂以我軍非敵耳不如以犛攻犛為便重從之調元江蒙化鎮沅等縣兵以漢軍佐之分統進勦贛居中理餉立招降旗陰誘脇從又製小旗千餘大書同心協力各保身家入字於上諭令聽撫於是歸降者衆已而鳳朝文叛與安銓合衆焚劫進圍省城贛諭以朝廷恩威恐退請降贛即夕遣使掣回官軍厥明合擊賊敗俘獲萬餘簡釋無辜民深德焉

毛鳳韶

字瑞成湖廣麻城人嘉靖間任巡按關鎮為害滇人苦之公至抗疏斥罷後復

以僉憲分巡金滄尤多惠政

陳學夔

字子諧廣西宜山人嘉靖間按滇時滇民苦滂百計拯濟首懲貪婪未幾遷去

王諍

字子季浙江永嘉人嘉靖間按滇旌廉懲墨鋤豪恤弱揚威德於萬里為諸巡

方者冠歷陞大理丞巡撫貴州右僉都御史

徐樾

字子直江西貴谿人任左布政使嘉靖間元江郡盤笈尋詐降撫臣以大吏往

王撫樾行被殺贈光祿卿

姜龍

字夢賓江南姑蘇人嘉靖初任瀾滄兵備立哨設守盜賊屏息楊慎有靖蛉謠

之頌

孫繼芳

字世其江西進賢人嘉靖初任提學副使剛介有識甄別無爽會有撓之者竟

去投効

唐胄

字平侯廣東瓊山人嘉靖間任金騰兵備改提督學校教士有法振拔孤寒累

官兵部侍郎

王惟賢

字士官四川中江人嘉靖間任分巡金滄僉事從歐陽南聖講學經畫多實政

清郵傳酌操軍魁里
甲滇民有遺思焉

楊

最

字殿之四川射洪人嘉靖間任副使
樸清貞吏胥稟稟歷任太僕卿抗言廷

杖苑萬曆初
贈官諡忠節

李

樂

字仲和湖廣瀘溪人嘉靖間金騰兵備
副使剛正不撓劾貪婪將吏四人除阿

坡巨盜軍
民稱快

張

輻

字文衡浙江山陰人嘉靖間任金騰兵
備副使廉明樂易值阿思諸彝讐殺或

請征之輻曰撫之不從用兵未晚乃遣
兵往諭果從命未幾力懇致仕去

王春復

福建晉江人嘉靖間任金騰兵備副使慈
恕廉介恤邊軍創設義倉饑民賴之以濟

楊守魯

字允德湖廣長沙人順天籍嘉靖間兵
備臨元討鳳繼祖其功居多後調提學

張佳印

字肖甫四川銅梁人有文武才嘉靖間
任提學僉事邊務多取決之討鳳賊時

守禦
龍力

陳

善

字思敬浙江錢塘人嘉靖間以副使督
學教士嚴整歷左右布政鑿木洞以通

灌溉平徭役清倉儲多
所建立著有滇南類編

吳

檄

字用宣江南桐城人高才能詩文嘉靖
間由樞曹遷副使雍和風雅士民咸沐

其化有兵部稿行於世
爲何大復李崢峒所推

徐中行

字子與歸安人隆慶間參議以詩文與
王李輩稱七子而政治尤爲精敏僚屬

紳士以邀其獎掖爲
榮滇風爲之蒸變

鄒應龍

字雲卿陝西長安人隆慶間任巡撫歷
官以才望推糾彈不避權貴至滇毅然

以恢廓自任鐵鎖善寇在制單騎督

徐 棧

字世寅江南常熟人隆慶初任按察使創行條編積弊遂革民甚戴之

朱 奎

字季文南昌人隆慶間任蘭洽兵備副使修建書院講堂積儲備賑士民德之

鄒光祚

字承卿江西饒州人隆慶間任金騰兵備副使治河堤置義田修學宮遷去士

不廢思慕

陳大賓

字敬夫湖廣荊州人萬曆間任巡撫力行鄉約保甲盜賊寢息彝民安樂至改

建院署不勞民力官吏遂不敢以工役妨農

方 沆

福建莆田人初左遷安寧提舉清釐鹽弊商民咸戴工文章多著述萬曆間轉

督學品

王 凝

字道甫湖廣宜城人萬曆間任巡撫時內地兵戈方息緬警復聞邊將又多喜

事類一切以鎮靜待之後以其數年經畫所移書檄類為一冊曰西寺貽稿在任時和年

豐召書院諸生於署樓之下課藝親為評騭民享清寧之樂至今懷之

吳 定

字子得河南安陽人萬曆間巡撫雲南入滇時三宣以蠻莫為辭紛馳告急乃

便宜用鄧子龍於對簿間使帥兵而西子龍至而蠻莫歸滇人安枕至今不言蠻莫事而

緬亦悄然後丁改煽虛道阻不通討平之日晉秩加恩賚

陳用賓

晉江人進士萬曆初巡撫雲南有雄畧用兵如神甫下車察滇形勢即題設蠻

哈守備未幾緬賊入寇用間謀撤暹羅圍襲其後牽制之設入關二堡於三宣要害以戍

緬并議屯田又猛卯蠻勾緬構亂檄木邦滅之柔平麓城時太監楊榮貽害地方公疏請

罷之不報至建學築城擒多罕平阿克績難
悉舉以順大功晉右都御史兼兵部右侍郎
歷一子
謚襄毅

周嘉謨

字明卿景陵人萬曆間撫滇值諸蠻變
亂用兵七日而克淡泊鎮靜滇人德之

吳應琦

字玉華桐城人萬曆間按滇性樸茂而
政簡易與學宮盡發土城以石至今賴之

董

裕字惟益江西樂安人萬曆間按滇性簡
靜少所酬應惟以民安為事適議嚴清

為司寇裕力
爭之乃寢

馮應鳳

字邦瑞浙江山陰人萬曆間巡滇甫下
車值酋歲民間朝夕不給又有緝警應

鳳寬不急之徵覈無名之費督有司賑濟饑
民戒邊地勿弛備禦虛報微功由是無轉徙

邊患
漸消

周懋相

字弼甫江西安福人萬曆間按滇揚禮
等煽亂於尋甸懋相連破之途黨就擒

滇境以安其他實心
實政遠邇至今感慕

許天琦

字大正福建晉江人萬曆間任金騰兵
備副使性方毅初視事見三宣六慰土

府諸司悉受綱約束深為嘆惜遂一意招徠
宣諭威德嘉與更始請彛刑通未幾卒彛漢思之

蕭彥

字思學江南涇縣人萬曆間撫滇綏又
二載諸所條奏皆西南長計會姚管兵

鼓噪授計設伏竟職兇渠
釋脅從歷官戶部侍郎

方良曙

字子賓江南歙縣人萬曆初任左布政
使仁明慈恕應務如流濬滇池以溉民

田時滇寇新撓困於軍食良曙調給無乏初
至庫貯空虛暨數歲富埒諸省又振興理學

踐履篤實
滇士師之

王績之 字大卿四川南充人萬曆三年任參政分守臨元長材審度念嗣人採山之苦

悉除遠年逋課民用蘇息

謝肇淛 福建長樂人萬曆中任右參政博洽多才彈壓迤西郡邑士民德之有滇畧四

卷刻於葉榆

郭 棐 字篤甫廣東番禺人萬曆中任左布政使誠心道會滇西寇蠢動餽運未嘗

乏絕清虛冒之餉省不費之費著有炎微瑣言

李先著 山東人萬曆二十五年以參政分守臨元道不染不撓後以猛廷瑞事被逮虎

於獄滇人為之流涕

李 渭 字湜之貴州思南人年十四父授以毋不敬及思無邪二語即書之壁而服膺

焉後游蔣道林之門道林問所得渭以取子言行處著力為對道林曰此亦經歷小人耳

渭悚然復以父意為宗以必為聖人為主萬曆間由粵東副憲來任左參政與滇人上講

明理學與肝江羅汝芳同官羅兼談性命而渭一意實踐

郭 良 字復吾福建惠安人萬曆三年任僉事分巡安會渾林精詳諮詢利害而興除

之署學政取士公明去滇之日行李蕭然

羅汝芳 字惟德江西南城人萬曆間任屯田副使晉右參政才識敏練尤喜講學開承

昌沙河灌田四千餘畝署金騰道緬莽瑞體大舉攻迤西思箇堅壁請救汝芳募商人熟

入緬者悉償其險要虛實更密檄諸彝絕緬糧道斷歸路緬兵大困屠象掘草以食死者

山積可刻期盡殲會有喉巡撫王燾阻之者遂檄汝芳勿妄動因憤恨而罷緬隨進去後

遂猖

許宗鑑

字應衡福建晉江人萬曆間任副使駐臨安兵火之後與民休息築河堤置學田辯冤獄禁刁訟歲旱步禱輒應去之日士民鑄石志思云

李

材

字孟誠江西豐城人萬曆間以按察使管全騰兵備道才猷敏達暇則講學復刊脩身為本四字疏布尤喜談兵陞巡撫鄖陽僉都御史

馬鳴鸞

四川內江人萬曆間任分巡兵備道建書院置學田著有功績崇禎年入祀名宦

李文績

字德延四川宜賓人萬曆間出參政歷按察使性耿介質任自然畧無文飾察宋黜見一言逆賊則正色嚴辭四壁蕭然門窓梁柱皆本色無飾庭中設客座之外他無

物長

陳

洙

字伯訓福建長樂人萬曆初任提學副使遴選公明賑濟寒士滇之服教感德者久而不衰晉參藩橐中圖書數卷而已

劉伯燮

字元甫湖廣孝感人萬曆間任提學副使繼陳公之後易以威嚴省會課考學業有曠學者自赴聽責士賴成就至於行誼可嘉者又禮遇之若家人父子

鄧原岳

字汝高福建閩縣人萬曆中任提學僉事敏練通達所拔皆名流尤善獎掖手註文選擇行於滇以教後進

方萬山

字仰之歙縣人萬曆中任按察司時兵燹之餘凋疲未起秉公肅憲覈濫冒汰首功慎讞決釋累缺隴川弗靖旋就削平運籌助贊功居多焉公餘則泛昆池寄情山水尤

加意作人梓課藝改學宮
八文蔚起實嘉賴之

張堯臣

字希夔內江人萬曆間任分守安會右
叅政進按察使調停稅璫不茹不吐因

鄉試屆期學道適缺
代司試事品薦悉當

王應期

字國禎襄陽人萬曆間任兵巡安會副
使守羅婺除沙寇不致延蔓及為監司

馭吏嚴明
脩持憲法

漆文昌

瑞州人沈毅有謀畧為永昌撫彝同知
緬會進年入寇猛哈思化皆助之時議

欲加兵巡撫蕭彦命文昌往撫乃單騎入壘
宣朝廷德意諸彝素服咸稽首聽命遂築關
堡興屯田親履原隰相度地勢悉中機宜緬
彝不敢內寇以功遷廣南知府萬曆間擢兵
備副使騰永之
民至今尸祝焉

沈傲炆

字叔永浙江歸安人萬曆末巡撫雲南
先是貢金為累破家者眾傲炆以疆場多

虞力請減
除遂得免

閔洪學

字周先浙江烏程人天啓間土寇作亂
貴州道塞自福建布政擢撫雲南至任

委布政使謝存仁及叅將袁善督漢
土兵屢破安劫良於霑益滇境獲安

朱燮元

浙江山陰人天啓間貴州安邦彥作亂
巡撫王三善稍歿遂以燮元總督滇黔

楚蜀粵西五省軍務定水西之
難危而復安歷任兵部尚書

袁善

字復虛習天文精韜畧初任順蒙守備
陞撫標中軍轉松藩叅將累著軍功天

啓初手值水西安會之叛賊至霑益易隆欲
襲省城善駐兵松林相機剿捕賊隨撲滅滇
賴以安巡撫閔洪學疏稱用兵如神談笑破
敵功陞右軍都督僉事卒贈都督同知廕一

子錦衣衛指揮崇祀名宦

姜思睿

浙江慈谿人崇禎癸酉巡撫雲南慎刑撫按加惠士民

周世昌

四川內江人崇禎初任雲南右布政使工賊會名聲叛巡撫王伉疏請會剿令

世昌監軍會巡撫被勸糧餉不繼及監紀知縣王信皆被殺

王世德

浙江錢塘人崇禎間雲南巡撫清慎自矢除弊懲奸一切政務必親為理以勞

瘁卒于官

王景

四川華陽人崇禎間任金滄道別蠹釐奸不遺餘力建月城樓重修蒼麓書院

潘潤民

貴陽人天啓間任雲南右布政使晉左布政有德于民竟卒于任

何閔中

字綱卿湖廣黃州人學淵博性慈和崇禎末任瀾滄兵備副使捍患禦災功績

甚著後卒於洱海士民呈請崇祀名宦

楊文岳

四川西充人崇禎間任雲南右布政有才幹旬宣兩迤政績甚著捐銀七千兩

築昆陽州城官至兵部侍郎

本朝

洪承疇

字亨九福建南安人萬曆丙辰進士沉毅有智畧善用兵佐

世祖定天下官大學士時以滇黔未定發師討之命為七省經畧督師湖南凡一切取進機宜皆其預畫及平奉

命入滇嚴飭士卒有匿民間子女者繩以重法不貸解散投誠兵丁疏奏滇民疾苦

詔發帑金三十萬賑濟全活甚衆滇民至今思慕之卒贈少

師諡文襄

趙廷臣

遼東人順治十六年任雲貴總督時兵燹之餘繼以荒歉調劑兵民胥得其所性和易不尚繁侈每行部不過數騎竟有不知其至者後陞浙江總督士民諱思不置焉

李光座

字東園河南人己丑進士順治十六年任雲南督學丰度端凜衡鑑分明試士得人西南文教由此振興

李天浴

字敬茲順天人康熙七年任雲南巡撫廉明勤慎事無大小秉平禮除貪暴裁冗費毫不擾民屬吏凜然改轍民困以甦時吳逆奏欲遷徙滇民天浴力疏止之

聿文焜

遼東人康熙七年任雲貴總督體國愛民時吳三桂逆節漸萌僭侈踰法文焜獨持大體多所裁抑及三桂叛變起會卒文焜令其妾盛氏等自盡思趨鎮遠以圖

恢復比至則鎮遠守將姜義先已從賊文焜知勢不可為遂殺其幼子北面再拜自縊時

筆帖式何善雅免各棄家從文焜亦死之

李興元

遼東人康熙十年任按察使方正執法嚴抑藩兵不許違禁取利準折民間子女吳三桂牧守節不屈杖之下獄復安置蒙化尋遇害康熙二十七年奉文崇祀名宦

分部

雲南府

元

阿羅哥里室

晉寧州同知政先教化境內大治

明

賀安

字朝宗湖廣安化人洪武間任雲南前衛指揮持重有為築城浚隍皆所董治

雲南通志

卷之二十一

名宦

三

張觀 字國賓太原人監生洪武間任嵩明知州簡直不擾新附之民安其撫字考最

陞鳳陽知府

趙幹 平陽人監生洪武十六年任歸化知縣調武定石臼縣三十三年採訪稱職陞

嵩明知州敦大不苛彝民安之陞戶部郎中

鄧思謙 字克謙桂陽人由監生永樂間知祿豐歷官九載廉能如一日其治署橋梁驛

郵市肆皆其創建

郭鎮 宛平人正統間知新興州時大溪水溢民不聊生鎮設醴祭河安流如故後知

雲南府勤于其職凡倉廩學校皆所修葺卒于官滇民祀于廣備倉傍新興民亦祀之

丁貴 金壇人正統間知百寧州勤慎有才凡學宮壇廟咸捐資新之水旱禱祈輒應

民謠曰旱莫作公行至香雨莫惱公請禱

黃守純 字惟一正統間知昆明縣燕字有方遷縣治無絲髮之費及於閩左

陳文友 字希賢正統間由呈貢令調昆明處心樂易政舉大綱有循良之稱

何詵 蒼溪人由舉人正統十二年知富民縣才幹多所建設

陳毅 泰和人正統四年任晉寧學正先是學在州北甚僻陋毅奏請遷於南訓誨生

徒不倦士皆奮勵

邵昱 永寧人景泰間知晉寧州廉介有為九年秩滿耆民赴京奏留復任三年遷廣

西平樂知府

廖芳 字廷鉅成化初知昆明縣廉敏有能一意洗滌蠹害凡有興作不擾於民

石 泉 字彥清長沙人成化間任祿豐知縣獨

因累泉盡心調劑民賴安平

董 復 字德初會稽人弘治間以御史

張 鳳 字應時宜春人弘治間任知府

喻 敬 內江人弘治間任晉寧知州廉

張 昇 齊陽人監生弘治間任昆陽州同增學

址練民兵理州政如家事常以私財代官租後因部運秋糧至滇池舟覆溺死士民如喪父母

余 紀 字文理昆明縣丞弘治間任操守水

聶 詔 弘治初任昆明教諭時方建學嚴立

葉 元 字本貞廣信舉人正德間任知府廉介

師宗未靖元督糧到州計擒賊衆地方救寧卒於官無長物

陳 陽 字健天新淦人進士正德五年以刑部

郎中忤逆瑾左遷昆陽州同築土城以資保障時課諸生政多卓異昆陽士民祠祀之

高 韶 內江人進士正德中以監察御史言事

威惠並用吏畏民懷晉參政官至侍郎

郭 治 泰和舉人嘉靖八年知嵩明州當兵燹

觀

黃 潛 晉江人選貢嘉靖中任嵩明州同知愛

軍政路等十事上
之當道苦節著聞

吳世珣

保德人任馬龍州同知嘉靖六年署嵩
明州事剛果嚴明安賊叛赴敵畧無畏

怯賊平撫瘡痍
給牛種多善政

王拱仁

南部人嘉靖四十四年知三泊縣
嚴明整肅脩城開渠民甚賴之

廖立仁

昆明縣丞嘉靖十五年携僕由元江徒
行之任省約安恬未幾以憂去邑人哀

金送之
卻不受

黃原道

巴縣人進士隆慶三年任知府剛直明
斷門無私請獄無淹繫百廢無不脩舉

樂

頌 歸川人舉人隆慶元年知嵩明州操持
清約築石城革里甲議獄白米禁易牛

毛民甦
困累

王新民

石屏人舉人隆慶間知易門縣為政
寬平以憂去民不忍舍建祠祀之

張祥鸞

金壇人進士萬曆初任知府學問淵邃
督書院諸生課藝時加品騰政事明決

無停牘
冤民

李

蓋 字臣悅成都人進士萬曆元年任推官
傳大開朗為司李多淑聞每月必閱諸

生課藝署臨安郡時有侮僕之役軍興
旁午劑量輓運餽餉不乏召入為御史

劉

儲 興國人舉人萬曆間任晉寧州知州精
明諭達繕城郭建橋梁置屯堡皆州治

先務
也

王

朴 清平人舉人萬曆間任昆陽知州
政持大綱撫彝息叛士民悅服

瞿

唐 長垣人進士萬曆間由御史左遷嵩明
知州除奸剔弊意切孤寒循聲表著

鄭邦福

字洪疇，上饒人。進士。萬曆元年任嵩明州知州，慈祥而清瑩，精心名理，脫離言

詮人莫能窺測，識者服其遠焉。遷部郎官，至京卿。

伍佐

新化舉人。萬曆間任安寧知州，歷九載，民歌曰：伍州牧明如燭。

錢貴

峨嵋人。萬曆中任富民知縣，簡重廉平，邑人有李義者為盜，所誣獄既成，貴廉

得其寃，自於臺司得釋其人，以重賄謝貴，叱去。在邑以蔬圃自給，卒於官，士民哀之。

洪邦光

字世龍，同安人。萬曆間任同知理他郡，訟獄錢糧悉得其平，所過肅然，亦無交

徃後，陞本府知府刑，清政簡士民安之。

陳紀

字惟脩，四川內江人。萬曆間令三泊拊循，其民奸弁奪民田租稅不入，按法論

罷，邑有礦山，民苦通課，自臺司封之，有父子訟獄者，愀然曰：是令失教，罪匪獨在民，遂懲

其子，勸導其父，民感泣，相愛如初。

張志臯

字汝諧，貴州永寧舉人。萬曆初任昆明縣才局，恢弘鋒稜，不露處，省會劇邑，自

郡以上無不獲其心，在任四年，豈弟之聲騰於眾口。

沈應昌

保寧人。萬曆八年任宜良縣清交田糧，改建學校，稱循吏焉。

黃宏

廣東順德人。萬曆間任昆陽知州，律已以廉愛民，以惠又能辯晰疑獄，下無寃

民崇祀名宦

尹鴻漸

蒙自縣人。萬曆間任昆陽州訓導，正己率士訓迪，有方崇祀名宦。

費經虞

四川人。由舉人崇禎十六年任昆明知縣，薄征省訟，重士勸農，勤覆吾必奎，叛

黨一案全活數百人，流寇入滇棄職，隱去，不知所終。

曲靖府

晉

爨深 興古人永嘉中與將軍姚岳同破李雄兵任為本部太守

南北朝

爨龍顏 郎爨士德南寧同樂縣人詳封建

爨瓚 梁武帝時為南寧刺史有政聲

爨雲 建寧人仕魏屢官驃騎將軍開府儀同三司南寧刺史詳封建

唐

爨歸王 南寧州西爨白蠻也有才畧貞觀中為南寧都督忠於唐

明

王政 洪武初任知府創制立法甚便彛民

劉璧 鳳陽人洪武初任曲靖衛指揮築城建署廣開屯田措置皆有條理

方用 全椒人明初由總旗累官至指揮使隨西平侯入滇洪武間開設六涼衛即掌印脩城池建公署與屯田安民禦寇甚有嘉績永樂間調征交趾遂留守交州

王禎 江西人永樂間任知府惠愛得民心設學校自禎始

焦韶 灌縣人進士弘治間任知府興學平賦弭盜招亡郡產嘉禾民生歌咏

章忱 會稽人弘治間任知府修學宮新禮器士林頌其功

蕭瑛 貴州舉人弘治間任馬龍知州捐俸買民居拓州治比解官歸蕭然行李

羅環 吉水人監生弘治間任馬龍州時始改流勤職愛民彝習丕變竟卒於官

戴鰲 鄞縣人進士正德間任尋甸化民變俗建學作人

李珊 臨川舉人嘉靖間任馬龍州政無煩苛安銓之變以身抗敵去任軍民泣

留

張秉正 滑縣人嘉靖間任羅雄州同知剛正自持不肥羣小嘗請設流官卒如其議

林斌 莆田舉人嘉靖間任尋甸守除奸宄任良能盜役均平盜源弭息民立生祠

王尚用 安福舉人嘉靖間任尋甸守創書院脩學宮平賊恤寡同遇剽蕭時中清丈田

地除浮荒請改折民至今便之

龐嵩 字鎮卿南海人隆慶間由應天治中遷曲靖守苦節閭脩政先化導立各鄉社

學師彝獮有弗率者必以誠感

胡光 徽州人府同知剖決明敏興廢舉墜登彝稟然知畏罔敢為盜署蒙化府事建

書院多有惠政

敖翔 四川人萬曆間任府同知外剛方而內平恕廷無請請貪吏望風畏之

尹耕莘 陝西人萬曆間任推官為政廉明豪強歛迹卒於官囊橐蕭然

夏鐸 山東人萬曆間任府教授厭士習記誦日與講性命之學生徒悉皆丕變

李遇春 閩縣舉人萬曆間任尋甸守以興葺為已任濬渠道築河隄置義田寢征調嚴

開納石岡等曠畝分為四十三寨人皆德之

孫台 貴州人萬曆間任曲靖同知著有實政大理保之變監露益兵卒於行間崇祀名宦

鄧繼遠

廣西全州人天啓間守陸涼政務不擾以便民爲事往還州衛惟馭一騎食粗

衣布清絮自矢

臨安府

元

會化

父張萬家奴至元間征緬虎事化磨仁臨安宣慰司同知忠厚嚴明卓有德政

張道立

臨安軍民宣撫使創建學官治行清白

朱寶

守鎮石屏千戶天曆初郡縣皆陷寶同亨祐率驍騎五千餘人夜襲宣慰司奪符印以歸據異龍湖島率衆同守州民藉以保障

明

萬一中

字惟一黃陂人洪武十五年從宣寧侯下臨安領兵四其蒙自阿也引石屏馬

黑奴通海官音奴寧州吉台諸蠻梗化中以兵定之陞臨安衛世襲指揮同知尋陞雲南

都司都指揮同知從征安南昌炎瘴卒

王執

寧州衛指揮洪武十五年從宣寧侯下臨安因與萬中俱留鎮會石屏壘構煽

諸部屯兵海東爲七營以待執偕中乘夜襲破追王異龍湖又破之師還擊之西山又擊

其逆蠻於揚州
莊皆有斬釵

任暹

永興人洪武間知通海縣改遷縣治咸愛得宜

黃德

江津人洪武間任昭碶知縣當草創之初一以寬大冲和馭之

程本立

字原道系出伊川後明初歷官周府長史被累謫雲南他郎甸長官司吏目會

思簡游誘百弊為逆單騎入其巢以順逆利害諭之諸彝咸感悅未幾復叛變西平侯沐英車布政司張純屬本立以撫禦之任又復往來綏輯彝民稍安後入翰林修高廟實錄

陞左僉都御史

賴英

江西人正統間任知府有惠政建藏書閣購經史諸書以便諸生誦讀尋陞布

政司參政

徐文振

字聲遠威遠人正統間任府同知善撫其民任滿當去民上疏乞留晉本府知

府

王驥

字傳德榮昌人舉人正統七年任石屏州學正立教整肅身無忒儀州士為之

一變召為監祭御史

詹英

貴州衛舉人正統十四年任河西縣教諭佳剛直不畏權勢時靖遠伯王驥三

征麓川英劾其老師費財

任彬

蒼溪舉人景泰間任石屏知州遷學宮更置社學立童子師有吏目高秉權為

土酋刁諒毒死彬當勘訊諒陰行賄賂彬叱拒之正諒罪以清貧不能歸里遂家於石屏

蔣良

字希玉全州舉人天順間任河西知縣政務長厚不樂聞人遇有訟者引至堂

諭以孝弟仁信凡其敘類此

黃時中

字宜之麻城舉人成化間任阿迷知州時初設流百務肇舉雖用漢法不失撫

綏深得羣民之心

王朝祿

江津人弘治元年任通海知縣修學舍增倉儲以路當郡衝里甲驛馬之累請

更協濟於河西遂著為例民頌其德

陳

瀾 秦州人弘治間知蒙自縣有才識時苦寇擾築城保禦民賴以安

蕭

鸞 廣西人弘治間任嶧縣縣編置糧差備極勤勞崇祀名宦

朱

琉 字德嘉瀘州人進士正德十二年任知府性敏而持正郡中盜賊滋起窮其淵

數率號騎擒剿之

汪

金 字次礪貴溪人進士嘉靖元年任知府性純謹維持綱領勸置學田士林賴焉

錢邦俛

蕪水人進士嘉靖末任知府慈恕得民歲險設粥以濟餓殍訟詞勸息自捐俸

以補積績除一切陋例

何文俸

字東浦福建閩縣舉人嘉靖間任石屏知州單車赴任愷恤宜民操守廉潔入

廟崇祀

周世用

貴州人隆慶二年任蒙自縣清操愛民去任行李蕭然個舊錫戶以二百金為

贈堅卻之

昌應時

字廷佐莆田人進士萬曆三年任知府性坦直不屑屑趨承時集臨元諸庠生

評騰文藝藻鑑不交士林仰之

楊翹瀛

貴州人萬曆年任通海知縣有才力建縣城民得安堵

李先芬

萬曆間任新平縣始建縣治築鑿城池士民感之縣祀名宦遠鄉並建廟祀之

牛可麟

祥符人萬曆十二年任知府秉性樸直政尚寬和訟斷一成確不可易

許莘

字師尹大名人守杭州葺自皆有聲萬曆間左遷府判嫻於儒術興學儲才治

民慈愛

曾所能

涪州舉人萬曆間知石屏州政務恤民置社倉時亢旱取積貯以賑饑民修陂

塘民至今資其灌溉

蕭廷對

字觀我江西太和舉人萬曆間由國學助教出守石屏政尚寬平操守廉潔重

農築堰置三社倉儲粟備荒與學課士創立東南北三城樓後祀名宦

朱繼夔

四川瀘州人吏員萬曆間任實秀巡檢才識練達長於發奸條議建毛木肯以

防標掠請置社倉以菽粟稻梁貯之殊有裨於地方實秀軍民思之

顧慶恩

吳江人博學能詩天啓四年以徵江別駕署石屏州事政尚寬大崇重文教改

創磚城賊攻賴以堅守

周之相

貴州人萬曆間任河西縣寬賦均役再盜安民閩邑感其德

李猶龍

字慕慈鄞州人崇禎間任石屏知州值會名聲叛攻圍臨安州有土人猖亂者

立斃之境內肅然統州人自守賊不敢犯城賴以全

傅厚

任河西知縣濺澤深仁芳聲異政詔崇祀焉

張一愷

廣東電白人由選貢崇禎間知嚕噠縣識力過人值土司交訖波及嚕民愷排

難解紛請兵鋤暴又賊劫近村親督鄉兵擊之斬三百餘級境內以安士民立祠祀之

秦元穗

由會試副榜崇禎六年任新平縣才學兼優寬猛相濟詳請遷移縣治築建磚

城外艱歸立祠崇祀

朱統錕

字司烜江西南昌舉人崇禎十二年授臨安府別駕署石屏州事下車卹民疾

苦異龍湖有水壩漁梁壅塞水道鑿令拆去更築堅堤數百丈以砥之湖水東流淤田復墾捐給備值絕不擾民合州永食其利建祠于州前祀之

蔣恒盈 廣西全州人由孝廉崇禎間知昭峨縣遷建學宮培育人才撫綏彝民崇祀名宦

熊啓宇 字六開江西南昌人崇禎特用授臨安府推官屢遷副使居官廉惠歷著政聲

流賊攻臨城破宇被執罵賊不屈賊義釋之賊屠城橫尸二十餘萬宇率殘民焚壘為三大塚後民饑乏食設法炊粥而賑者兩月全活甚眾士民感戴建祠祀之康熙二十七年闔郡公牒于督學謝于道詳祀名宦

本朝

張勇 號飛熊陝西洋縣人順治十五年隨師拓滇以經畧右標提督鎮守臨安賞罰

嚴明兵卒畏肅會元江復叛各土司搆惑勇單騎入其境慰之遂安定如初勸農重粟興賢下士一意以安民為本陞通省提督調甘肅提督吳迺之亂全陝震動勇獨守忠義晉請逾侯卒諡襄壯康熙二十七年督學命事謝于道詳入名宦

徵江府

元

魁 蒙古人任徵江路總管首建學宮教人禮義

明

胡思 西安右衛指揮洪武十四年平定雲南西平侯奏薦掌徵江府事剪除餘寇撫

定募民勳
勞居多

王彥

字士俊安福人進士由刑部郎中言事左遷雲南都司斷事正統間陞知府招募民守之迄今永賴

饒

欽字汝恭江南祁門縣人進士成化間知府清介不滓力御路南土官之駭巡撫王恕特薦不報尋以入覲請歸

魯厚

內江舉人成化間知路南州創社學以教閭巷子命增重樓于州城之外禦暴

晁必登

字汝吉宜賓人進士弘治間任通判時徵守會暴人情洶洶必登以廉佐之屬邑之民充板橋江川驛籍者難於奔應多破產逃亡乃建白徵銀解驛迄今賴焉政暇與

諸生講易尤長於詩攝象廣西曲靖遷武定同知皆有遺愛人像祀之後陞本省僉憲

按部至徵衛而羅拜
歷陞本省右叅政

唐臣

字堯佐營山人進士嘉靖間知府誠懇清謹自奉薄而厚恤民政暇手不釋卷延諸生討論策西街城設東溪舖正德癸酉陞兩淮運使徵至已卒巡撫范鏞檄崇祀

劉傑

臨汾舉人正德間知府明敏果斷謹斛量定商稅均里役稱平政焉

童璽

字國信連城舉人正德間知府始至以郡治弗利改遷于陽薄山移學于郡治舊基仍以舊學為仰山書院郡東北有溪每值霖潦為害璽築隄東谷障之北流築郡城

計朝聘

字莘夫成都舉人嘉靖間任知府值歲不登捐俸賑民寬徭省刑開田三千畝

鄒國璽 字南華隆慶間任路南州築壩
開河士民永食其利祀名宦

王良臣 字天民寧羌舉人嘉靖間知府才識練
達吏事明敏別郡疑獄多受成焉在任

禮賢崇學設
樂舞拓文廟

徐可久 字有功馬平人萬曆間任知府遷郡治
築磚城闢銅路開河道義倉社學久廢

俱興陞本省
屯田副使

林焜章 莆田人萬曆間任知府清慎愷悌置義
學六以訓郡之童蒙遇有好盜化以廉

恥不事鞭笞凡有勾攝即付告人
不遣隸卒以外艱離任士民思之

郎文煥 浙江孝豐人萬曆間以民部郎陞知府
養士愛民剔弊釐奸河陽有額外夫馬

之科重為民困調議革
除勒石縣餼門外今存

柳芳陽 四川宜賓舉人萬曆四十五年任新
興州愛民課士勦捕彘賊立祠以祀

張維 山西蒲州人天啓間知河陽縣居官清
正革除火耗絕請托與知府郎文煥廉

正相得民
受其福

李以袞 浙江縉雲人以廕官崇禎間任知府赴
激之日其祖訓之曰宜崇文行重學校

謹倉庫修城池教養士民至激之日紳士謁
見即以祖訓告之乃延士立課親閱文藝授
識英才新學宮修城濬池增
置砲樓二十座防禦多資

周應 貴州興隆人任通判有膽畧謙恭下士
適知府李以袞致歸應署府印寧州土

官祿昌文部目李蒿鵠王尊縱士卒掠東市
應命僚屬守城單騎詣之諭以利害詞氣嚴
正賊眾畏服解
去敬人賴之

武定府

元

安 慈

武德將軍與子弄積俱有功于武定

明

董 旻

字子仁樂平人進士成化中官都給事以直言朝政忤旨謫官石臼縣奉職公勤明于折獄片言而決人無冤抑焉時以土人猖獗賊盜蜂起旻練民兵防禦使遠近相為保聯遂致萑苻絕警土人不敢跳梁後以循良茂著不次超擢陞布政司叅議居民至今思之

劉宗寅

江西人隆慶間任知府因土彘不時侵叛民無寧宇首創城郭以捍禦之文請

立學建廟教化以與士民戴德

鄧世彥

湖廣人隆慶間任本府同知時值土酋鳳繼祖倡亂世彥贊畫盡心輓運無誤用能以次剿平民鮮失所焉又創建府治城垣樓櫓地方賴以保障兵燹之後瘡痍未復彥撫綏盡心省刑薄賦招集流亡寬釋脅從善政居多一時漢彝帖服至今頌其功德感嘆不

趙 紆

山西人舉人天啓六年任武定府知府剛方廉正不喜阿諛不避權倖在郡修學崇文旌揚孝弟禮待高年民知齒讓又勤農恤訟蒞政三載遠近皆呼為趙青天後以循良薦陞廣西蒼梧道士民思其遺愛勒石建祠以祀紆立命毀之其介性類如此去之日攀轅臥轍有送至百千里外者

廣西府

明

賀勳 字世安湖廣湘鄉舉人成化間任郡守時初設流官勳至建城垣修學校立廨

舍惠農通商正風俗弭盜賊後陞叅政仍攝府事

孫久 吉水舉人弘治間知彌勒州設流之初多所創建制土司安反側民賴以寧

華剛 貴州都勻人正德間知彌勒州明察英毅十八寨賊首阿勿等聞其名畏之歸

納進稅期月之間政令大行

張佐 湖廣武昌舉人正德間任彌勒州持躬廉介政平不擾平十八寨運籌有方

解一經 山西交城舉人嘉靖間任知府恬靜廉潔在任七載清白無瑕比回饋還不受

土舍昂濟追送銀馬力御之

許侶 號號田河南靈寶人嘉靖間任知府實心惠愛剔蠹釐奸民皆稱為許父臨行

以一籠椿植于衙中枯木自活移陰喬茂

辜用琥 南昌舉人嘉靖間任知府携一僕自隨清慎恬澹革土司常例省里甲夫馬靖

盜息民豪猾斂跡蒞政四載民無欺罔庭無訟獄以養母致政民咸思之

李崧 號肖格四川內江人嘉靖間任師宗州甫下車嘆曰以數十家窮彘當一荒州

其何以堪雖然官守有常吾知奉職已耳去弊興利愛民如子自奉澹泊粗糲妻子衣布

陞任士民保留在任九載賢聲茂著比陞大理同知民追送百里泣淨之聲徹於道路立

祠祀之

戴時雍 字逢堯江西浮梁人進士隆慶中任知府改築磚城約已省刑勸農課士民懷

其德立祠祀之

陳忠 字良甫直隸獻縣官生萬曆間任知府廉潔自守饒才畧擅經濟建永惠濶開

東西兩河附近田土盡為膏腴修築三鄉城沿江渡口設哨兵又令戍卒墾荒且耕且守道路以寧

李啓 湖廣舉人萬曆間任彌勒州約已惠下勤恤民隱築堰壩興水利民食其福

錢秉元 江南吳縣官生萬曆間任知府省事愛民捐俸買彌勒州古城田充師生費置

漏澤園民懷思之

張光宇 字懷谷山西太平舉人萬曆間任知府秉公直敦風化立旌善申明二亭民咸

警服興學勸農增修堤壩陞山東轉運使民如失父母

蔣時極 廣西全州舉人萬曆間任通判廣西為三郡交界風稱賊巢時極威名素著諸

土司聞來防守皆傾心在迓于百里外雖鴛鷺之會亦望風歛見中號令明賞罰不煩兵

甲冑民聽警服

蕭以裕 江西清江舉人萬曆間任知府課士傳經講論無倦遷學宮于三台山麓創鶴

麓書院事闕學校靡不輝心省刑薄歛善政甚多又修志類若干卷土會會者輟擊擾江

外率師擒之諸彝畏服

張繼孟 字太巖陝西扶風進士初為御史以剛方爾忌外遷郡守崇禎辛未署巡道印

正直嚴明與文講武會會迹妻萬氏據阿迷不下屢議招撫往者輒被害繼孟單騎至息

宰河賊大揚兵恐之繼孟直入賊營諭以利害賊遂乞降調四川郡人肖像以祀

王勵精

陝西拔貢崇禎間任通判莊儉仁恕折獄明敏歲大旱自責禱雨立降朱騰貴

市無糶者拚銀帶易米減價賣市中富民感激各出所食米以糶存活甚眾郡人至今思之

元江府

元

寒賽

徹里路總管初賽遣姪刀濫入貢為元江判官度宗顯所誣行省遣都元帥述律杰諭以大義寒賽感慕遂備

珍貢繪舍賦置驛傳比于諸路

刀代

元江路安撫使大德五年從征八百有功陞元江路總管勇鷺過人部彝畏服

時洞蛟為孽代挾利劍入洞頃之水盡赤代與蛟俱死蛟患息沿河始得耕種民感其德

每歲祀以中牢

明

汪輔

雲南後衛指揮同知嘉靖間署府事政務便民有控訴至者訓以禮讓至于軍

衆以嚴明御之毫不可犯

大理府

漢

杜軫

成都人舉孝廉為建寧令風化大行漢彝悅服累遷尚書郎

唐

元

楊佑

南詔清平官封長州郡公撫治本郡蠻民教畏之

元

郝天挺

參政至元二年建大理儒學興起教化

高斌祚

字廷瑞大理人北勝知府明王珍寇境禱率兵破之又生擒品甸偽王以功陞

雲南行省中書右丞

明

趙彥良

字明善吳興舉人洪武間任通判剛介有文學修大理志要先任劍川州判與

除中窳州人思服

張鐸

古范舉人洪武間任推官以廉稱

鄭禕

合肥人洪武初調大理衛指揮使增拓舊城經畫之功居多

賴鎮

洪武十五年征雲南以功陞大理衛指揮同知二十年調洱海衛訓練士卒守

禦有方畧與袁義齊名

蘇守正

洪武間知趙州率較祀典壇壝皆其開創後卒於官

諸葛伯恒

洪武間任趙州吏目廉謹有文學秋毫不擾於民月俸不春而食布政司

張統薦之官至參政

賈鈺

耶鄆人進士正統二年任知府南下車以鄆中利弊詢父老凡徭賦水利盜賊

之類一一得之以次綜理民皆樂從陞本省參政

何宗魯

豐都舉人景泰間知浪穹縣剛直不苛歲饑出粟全活甚衆

蔣雲漢 宇天章重慶人進士成化十一年任知府廉以約已仁以恤民制文廟樂舞器

日進詣生誨之去任行李蕭然官至福建布政使

吳晟 弋陽人進士弘治末任知府恢弘直諫戢不動色喚食奩取糕食之曰汝饑耶聽訟獨斷吏不得為奸時召諸生詹其本業戒嬉

遊後遷參政士民感迆迆下

李秀實 永興舉人弘治間知太和縣丰采凜然豪強斂首讞獄決疑罪者咸服

楊樊 貴州舉人弘治間知太和縣有能稱時

萬計樊曰姑已之待明年人莫論其意春正月即諭民應造版籍各命杖狀樊察舊事吏

算里書應索民數千金疲於候命者舊人樊乃親督造寫毫末不遺仍借此佐縣宇之役

人役力一工故科石一片民視往昔減半費皆樂於赴功幣不支而事竣吏胥竟不得索

一錢後遷知府

周憲 安陸人進士正德間任知府才偶黨劾

方宸 新繁人進士正德間任同知清白自持

時太守重罰錢宸每陞堂蹙眉而出人服其廉

陞知府

喻河 廣西舉人正德間任通判才通敏時耳

遂自乘舟探河尾淺處卓木為城以草障瀾疏泄之因著為法三年一瘡

杜翔 四川人正德間任浪穹令鑿渠灌田興水利

高公韶 字太和內江人嘉靖初由西臺以鯁直諫富民典史風裁惠愛懲奸勸良更置

館延師教其子弟風俗為之一變尋知郡事寬猛並用兩地俱祀名宦

任

輟

巴縣人進士嘉靖間任知府誠心撫字嚴於賦吏時方有檄貨大青督責日至屬吏欲擇其尤者為獻公曰此非可繼之物汝不虞為民禍耶擲而絕之尋以憂去在恩僅旬月至令民有隱憂則相謂曰安得任公

高

鏞

兵部員外

內江人進士嘉靖間大理同知偶儻有風節重修孔廟濬泮池修祭器樂器陞

王

朴

清平舉人嘉靖間任通判有才節平鳳繼祖除易門通黨王一新

朱

官

安莊舉人嘉靖間知賓州愛民真切建書院修泮梁遷楚雄府同知

侯

問

清平舉人嘉靖間知太和縣通敏多才舊例府縣供億之費皆里甲治辦又為在官者侵奪費常十倍問欲為永逸之計自祭器燕几以及屏幃薪水之細皆繕治而區分之選吏主出入民不知費累遷工部主事苑馬寺卿

龍翔霄

武陵舉人嘉靖間任太和縣熟諳吏治聽訟無大小皆自決他郡邑有獄不決或有難事悉委之太和倉有積粟吏真紅粉獲罪霄春粟得未出陳易新民免困累而積貯之數無虧上官下其議行於闔省後遷南京兵部主事

蔡紹科

黃巖人嘉靖間任知府有便民四事省里甲治道途立市肆作官室至今稱之

周

焜

永寧人嘉靖間通判讞獄明決時監司以法繩下羣吏恐怖會有寃獄衆莫敢辯焜獨再三爭之監司疑其納賄竟抗執不回其寃乃白

劉璧

雅州人嘉靖間任太和知縣廉介慈惠捐俸修治祠典愛惜民力民頌不衰

莫天賦

海康人進士萬曆初任知府慷慨有為岳鳳之變城守戒嚴人情洶洶適天賦

覲還調度有方百姓安堵陞按察副使

莊誠

成都舉人萬曆中知趙州以興廢為已任凡關典禮器物整飾不遺麗江瀾滄

二土官構訟各懷金行賄誠執使封金聞於當路俱置之法永平汰兵作亂所過雞犬不寧誠百計周防賴以無事至於清浮糧釐金發疏水利修舉鄉射禁食毒草凡利民生全民命者無不力行之二百餘年竟無州志自誠始修之

陳輔

江西人萬曆年任鄧州知州履畝均田能消影射金錢出入毫無染指

劉延齡

綿竹人萬曆年間知雲南縣發奸摘伏人無遜情四境恬然民不見吏

張名式

湖廣人萬曆間趙州同知廉靜寡欲才識高明運餉御金清田築堡卓有政聲

常真傑

廣西人萬曆間任鄧州知州至誠仁恕築隄開闢闢城金價惠政甚多

周憲章

思南人萬曆年任雲龍州知州平段進忠之亂消林養中之變建州城立州治

創廟設學招撫流離清田畝定里甲裁冗減課經畫盡善

永昌府

漢

鄭純

字長伯鄭人明帝時西部都尉為政清潔化行羣貊君長皆獻珍頌德天子嘉

之以為永昌太守純與哀牢彝人約邑豪歲輸布貫頭衣二領鹽一斛以為常賦彝俗安之後圖形東觀

曹

鸞

巴人永昌太守時黨錮甚嚴鸞乃上書曰夫黨人者或耆年淵德或衣冠英賢

此宜股肱玉室左右大猷者也而久被禁錮辱在囹圄謀及大逆尚蒙赦宥黨人何異獨不開恕乎所以災異屢見水旱荐臻皆由於斯宜加原赦以副天心帝怒殺之

欒

巴

內黃人順帝時為永昌太守賦性鯁直學規經典靈帝初坐陳竇黨復謫守永

昌以功自効辭不行上書極諫帝怒下獄自殺

馮

顥

廣漢人順桓間守永昌政化尤多異蹟

蜀漢

王 伉

蜀郡人章武六年為郡相有保境功詣葛亮表為永昌太守封亭侯

霍 戈

字紹先南郡救江人章武末年為太子舍人後王踐祚立太子璿以戈為中庶

子璿好騎射出入無度戈援古規諫後為參軍康降屯副二都督又轉護軍統事如前時永昌郡彝僚恃險數為寇害乃以戈為永昌太守率偏軍討之遂斬其豪帥破壞邑落邊境寧靜遷監軍翊軍將軍領建寧太守

晉

孫 辯

江陽人為永昌郡從事太安元年上南中形勢七部斗絕應復置寧州以相鎮

慰冬十月復置寧州

唐

張羅 疋

南詔清平官永昌郡都督以破蠻功陞大監軍有碑在城南稱其義勇有度量

楊 興

郡人蒙時為布燮天寶八年率所部入附墜書囊餼旌其門子孫世為永昌酋

長歷段高二姓洪武初其裔貢馬領所部歸附

元

段阿堅

大理人以都元帥守永昌威德並著

信苴日

大理人統二年世祖賜虎符詔領大理善闡昆明威楚統矢建昌騰越等城

自萬戶以下皆受節制至元元年破舍利畏於威楚安寧三年賜金銀衣服鞍勒兵器十一年為大理總管遣石買等誘舍利畏殺之後受重賞於是置郡縣署守令平賦役施政化與中州等十三年受行省命禦緡寇於金齒南甸以功屢授大理蒙化金齒等宣慰使十九年迎雲南征緡之師卒於金齒子阿慶襲爵屢遷鎮國上將軍大理金齒等處宣慰使都元帥守永昌

明

李觀

壽州人初名觀音保仕元為雲南行省左丞明初兵至會城梁王自沉觀率父老以會城降遂從傅友德為裨將帝嘉之賜姓名洪武十八年命鎮金齒署永昌府事既至宣朝廷德意討叛酋段惠誅之開拓城池申明律令邊境肅然

胡淵

定海人初李觀建郡城於太保山下觀卒洪武二十八年淵拓而上之林俊創名宦祠於學宮淵曾與馬子琛字廷貢文雅有度繼掌金齒司事與學訓農安邊勳俗

胡誌

琛之子儀度嫻雅有祖父風正統初襲父職從征麓川提銳卒為前鋒有功陞雲南都指揮僉事尋陞都督僉事還金齒在鎮二十餘年外輯內寧人民安堵

陳昇

金齒司指揮使正統十一年麓川平兵部侍郎侯進奏調騰衝司掌印築城濬

池墾闢田野
軍民利之

郭

本

字道充融縣人天順間以監察御史左遷永平主簿剛直廉介拓縣治綏流羣

常言永平小邑不宜冗員後召

還遂上疏請裁主簿不復設

嚴時泰

餘姚人進士嘉靖二年永昌復府之初奉勅來守時方草創制度濶畧人心未

安乃立法定制修輯署宇綏柔瘡痍控制羣

服無馭卒任督博士弟子勤視課業以風勵

文學所著有

專城錄一卷

陳嚴之

萬曆間任知府廉威遠播崇重正學以破緬功陞兵備

戈中和

南充人進士萬曆中任知府政務安靜時緬蠻於金騰沿邊市牛鹽意在窺覘

中和謂當遏其漸乃請於巡撫力禁之

陳錫爵

廣東人天啓間任府同知殲叛彝懲師至脩祀典嚴保甲清軍餉別士類興利

別蠹摘發不爽質成者稱神君焉

張元論

浦江人萬曆間任知府廉介方正上官有索庫羨者論以庫簿示之遂止禁火

葬及婚喪奢

禮挽以儉朴

楊文舉

南充人進士萬曆間任保山令敏才雅量勤課諸生築城臺以便守禦行取給事

中尋典試雲

南所拔得人

陳

師

字思貞錢塘舉人萬曆末年任知府嚴禁通彝并治材官悍戾以靖軍民操守

嶄然

不滓

戴希顯

柳州舉人嘉靖二十一年任府同知體梯廉明絕請托御彝金與水利勤講課

在任八載遷長史去之日行李

蕭然士民泣留遠道今崇祀

宋

儒

峽江人舉人萬曆初年任府同知廉介
愷悌禮士愛民征阿波堵魯凹力阻殺

降去任之日士

民遮送不絕

李

輻

字文興吉水人例貢萬曆間知騰越州
蒞事勤敏備禦嚴整終輻之任守城者

竟日不敢弛其為武衛見彈類此會出南關

閱集市者數千人肅然無聲時方採寶石於

猛密彝酋素聞輻威望對商人曰委官得如

李公來必持官錢不攜賈貨欺擾我土未久

去官士

民思之

杜可教

德陽舉人萬曆初年知騰越州
清廉惠愛禦緇綱有功士民思之

孫衣

清平舉人萬曆間知保山縣杜喧塞饑
送愛民而嚴吏後陞雲南府同知益有

治聲

鄧子龍

字雲卿江西豐城人奮跡行伍萬曆十
一年為永昌參將持重多謀慷慨任事

縮人犯掠施甸焚殺極慘子龍追及於攀枝

花大敗之斬景宗真以靖寧甸擒罕虔父子

以開耿馬提奔裕以平阿坡築建關城多其

指畫能詩工書有古名將風鎮姚關關清平

河平丁直白改後陞邊帥

屢立戰功有枕戈集行世

劉

綖

江西南昌人父為總戎綖不假恩蔭自
立武功萬曆十一年以遊擊領騰衝守

備事擒岳鳳曩烏綱寇不敢窺邊招思忠莽

灼遠彝傾心志在滅緬功已垂成甯人中阻

拒腕而去平播竹征關白功業甚著

積勲至大帥勇畧雄邊推為各將

楚雄府

明

朱守仁 徐州人洪武十五年知楚雄府撫民勤政招集流移授以田土均其賦役建學

校鋤強梗境內大治去任
闔境保甯不獲垂泣而送

袁義 瀘江人前任羽林右衛指揮同知洪武

中沐英遣守楚雄時蠻彝叛逼義積糧
高壘調兵力戰蠻遂遁去陞楚雄衛指揮使

聖田築堰修城郭建橋梁區畫久遠之計入
覲上惜其老令醫為染其白髮俾仍撫治以

馬良 山西黎城人正統五年知楚雄縣鞭直
威遠人後毀還歷官都督僉事卒賜祭壘

力去後民
懷之不絕

鞏珪 貴池人監生正統中為黑塩井副提舉
侃直任事秩滿父老遞甯不忍別去

許澄 浮梁人景泰間以御史來守郡興學育
才釐奸革弊盜賊遠遁民賴以安陞廣

西按察
司副使

鄒慶 思南人景泰間知鎮南州處已廉能闢
街衢立公廨興學息盜後陞姚安知府

邵敏 湘陰人進士少以孝聞成化間知楚雄
府勤恤民隱初郡民不諳絲枲敏為市

桑麻木棉教導士女紡織六事咸舉修郡志
一郡文獻始備既去軍民立祠祀之

李純 桂林人成化間知鎮南州黎已恤民耻
為阿私修雨壇廟後陞南昌知府仁慈

恤衆廉潔無阿修
輯壇廟百廢俱舉

鄒傑 京山人舉人成化間知廣通縣清謹惠
和布衣蔬食始終如一建學校置學田

積粟備荒其後邑人以
兵火饑困賴賑濟焉

吳

永

平樂人成化間任黑鹽井提舉井有蛟為害民患衝决永于北門作石壩鑄鐵

牛鐵索各七鎮之害遂息民德之

虎

臣

麟遊人慷慨有氣節先是成化末貢入太學聞萬歲山架棕棚登眺上疏極諫

憲宗奇之祭酒費閭懼其賈禍通鳴鼓聲其罪鎖項以待俄而中官傳旨曰爾言是吏部銓選七品正官授碑嘉知縣始至黜奸崇良招撫瘠裸次年委勘景東土官讎殺事彝授

賄力卻遂中毒死邑人懷之

朱繼祖

高安人弘治年任知府建兩廡號舍偕同知曾顯建會講堂以誨生徒

范璋

璋

餘姚人進士任工部主事弘治間忤權貴謫呂合驛丞尋陞知楚雄縣事卜遷

學宮於勝地引蓮池水以灌泮壁誨勵諸生多所成就

蔣哲

哲

貴州衛人舉人弘治初知廣通縣剛介廉明沐府人有恃勢作威者哲按治如

法卒于官百姓哀之

董朴

朴

麻城人進士正德間知楚雄府勤于講學諸生有貧不能婚葬者捐資為助增

祭器建學舍立峭堡課農桑陞江西參政行日士民悲泣不能舍

祝弘舒

舒

溫江人進士嘉靖癸未知楚雄府因俗為治尤篤意文教易五顯祠為龍崗書

院卜遷學宮以當形勝策勵諸生人文崛起丁亥冬武定鳳朝文之亂區畫城守遠近避

亂者歸之舊題名碑云遷學見聯捷之效守城垂活人之功益實錄也

李邦表

表

蜀定遠人進士嘉靖丁酉知本府事廉

懲奸正俗境內肅然

傅昂 金溪人舉人嘉靖壬子任府同知剛正不阿廉明自斷嘗收軍儲洞知賄納之苦議請減徵事垂成而公以

遷去遂格不果識者憾之

何應和 東莞人嘉靖丁巳年知南安州單騎赴任出不乘輿暑不張蓋撫民以仁禦盜

以信境內肅然後以終養歸踰年有安竟之變咸曰何公在當不至是

荀詵 華陽人舉人嘉靖甲辰知南安州性剛操潔攻苦茹淡人所不堪值州境安竟

堡彝賊焚掠千里人莫敢擾其鋒渠魁數十人皆鬪勇黠習撫之不聽勦之不能勝詵出奇設策攻入巢穴伏兵格殺之立哨于要地

調官卒守禦民感其德立生祠祀之

戚慎 宣城人嘉靖間任知府清介不染不畏強禦卒于官囊無餘財察屬醜錢殲殮

新會人嘉靖末年知鎮南州好士而愛民修建廟學又重修州之東西二城樓

吳習 赤水衛人監生嘉靖間知廣通縣仁恕公廉不畏強禦不濫科徵凡公署橋梁

靡不修飾邑人感之陞順州知州

張大亨 全州人弱冠領鄉薦謁選侯長安邸中嚴嵩初入相為其大父尚書陞川先生

門人遂引疾歸終嚴嵩在政府二十餘年不出及罷相始出判端州隆慶戊辰擢楚雄郡

丞攜一蒼頭一稚子灑然甚適也于吏事迎亦而解芟除九場巨憇郡民依依若孺子之

慕父母比代守者入覲以經費不能給中道徑歸其家

黃袍 南克人隆慶間以定遠令署鎮南州修建土城買置義地

張九歌 曹州人萬曆甲戌知楚雄府廉明果斷有倚勲勢于部內誅求者力裁抑之不

能行其志而去以內艱歸

顧 閔

清平人萬曆間任楚雄縣知縣年尚少性術慈厚見刑非其辜者惻然哀憐之

實肅清賦平盜恤苦遷趙州知州

劉名弼

長垣人嘉靖二十五年以通判吏目署縣事仁恕清慎創議建學克成厥功邑

之人文蔚起皆其力也

越民表

貴州宣慰司人嘉靖二十五年知定遠縣清直慈敏均徭役革長弊扶弱抑強

多惠政陞任湖廣軍民泣送

尹為憲

武陵人萬曆間知鎮南州推誠孚眾戢盜興賢重修鎮南磚城為一方保障

何居毅

晉江人本府通判萬曆間署鎮南州愛民造士修學宮置祭器經書祀州名宦

李 翹

大邑人萬曆初由雲南府通判陞南安州視民如子常均貢賦利民州人省公

像借溫可貞殷輅為三賢祠尚存

溫可貞

東莞人萬曆間任南安知州沉毅多謀時鎮庄民施成信等乘武定之亂脅黨

肆掠貞率士民設畧誅之邊境獲寧

殷 輅

博羅人萬曆間任南安知州奉母至孝風動一州尤多惠政

劉之範

富順人萬曆間知廣通縣建城郭靖賊盜舉孝行培風水蒞任八載清正仁廉

愛民如子三薦七獎行取評事

段 銓

臨洮人崇禎癸酉知定邊縣廉潔剛方性堅金石博洽經史憫定邑文教未興

廣勵不倦去任之日行囊蕭然士民感泣

羅廷璠

豫章人崇禎時任知府下車備詢疾苦一切與民休息興學除奸政聲大著十

雲南通志 卷之二十一
七年卒紳士軍民合詞呈
舉名宦仍肖像于關聖祠

姚安府

周

小 卜

楚莊躡將戰死
蒙氏立祠祀之

漢

韓 說

與司馬相如同開益州領
弄棟蜻蛉諸縣有賢聲

唐

梁積慶

慶一作壽高宗咸亨中為姚道
行軍總管時永昌蠻亂討平之

元

楊 寶

招諭土人授姚安路判官克蔚州曹州
陞大理路治中時梁王與長氏構難兩

兵相持有兵亦供餉之苦
寶極力解之民受其賜

高 明

姚安路總管天曆中入朝賜衣馬楮幣
明年盜起明招流離撫携貳闔汗萊還

侵軼既及繕修官舍郵傳以至民
賦軍儲無不究精父老咸稱慶幸

明

戴 都

江西籍洪武初以指揮守禦姚安姚僅
土城仍唐舊制甚濶難守撤而小之易

碑石至今
特為保障

岑 斌

錢塘人征雲南有功陞姚安千戶洪武
十七年開設千戶所公署其所營繕尤

得士卒心及卒無
不痛悼為之立祠

雲南通志

卷之二十一

名宦

五七

高惠 姚州州同洪武初率眾歸附時自火賊

黨叛殺州官惠奮身擊賊追至白鹽井擒之救免提舉燕以正等官署其地

吳潤 武進人永樂間任知府政尚循良白鹽井

馬自然 字性之內江人進士任知府誠心愛民

大石泐水散盜民不均惠乃築堤開東西二關以時啓閉至今利賴焉

劉昂 字廷舉海豐人進士成化間以給事中

謫姚州州判均徭平賦民甚賴之

任弘 南充人進士弘治間任知府正大寬徐

拓先師廟及門廡齋泮尋陞左叅政

王嘉慶 字怡之內江人進士弘治間任知府秉

性剛果不避權勢典刑除害建東西南三城甃石橋以通鎮遠靖

蛤諸渠之水民不病涉

楊日贊 字堯臣揭陽人舉人嘉靖間任知府剛

移者眾為自諸當道除之又議設守備督營兵為守禦長久之計尋以家難棄官歸民皆

立石以頌其功云

莫相 全州人舉人嘉靖間知姚州才敏行繁

張旗鼓以示威至夜登陴共守衣不解帶賊憚而不敢入後陞四川僉事

李載贊 福建晉江人舉人萬曆五年任知府性

嚴守禦居民罹於火為建火神廟時禱而禳馬將三載竟自免歸士民攀臥道間車

不得發囊中僅圖書數卷巡按劉維及一時藩臬作高尙冊以遂其志僉事顧養謙為之序世稱卓吾先生不朽云

吳崇德 字東臯江南虹縣人監生萬曆間任提

舉慈祥不肯恤竈以完課易貝以便民

宦戶居民
咸稱其善

周良士

邵陽人舉人萬曆間任姚州坦衷繁履節約樸誠色笑不輕慈愛軍民不設畛域平差徭攘彘焚交誼之禍姚人日坐水火中公廉得其實不為時局阻嚇勘審最詳至持亦確姚人

崇祀名宦

楊之彬

麻城人舉人萬曆間任姚州慈衷繁守斂才卓識省獄訟平賦役蠲苦丁復鹽

市修學宮一郡利弊盡為釐舉其大者開拓城廓焦勞拮据夜以繼日甫半載城池改觀百年保障深心大畧具見作為

張喬松

江西新喻人進士萬曆二十三年以叅議守道政治有威有惠捐資建文峯塔于南山以培學宮風水文運

大振知府蔣輝與有經畫

黃澍

侯官人舉人正德間任知府開闢平恕有巨室以贖錢弗給久淹囹圄為之區畫以完籍其室為棟川書院商人徐順募姚人徐永勝負八百金詣省中途被掠因歸答

永勝拘家屬十三人傾產償之仍坐死獄公知誣遂懸重賞伺得其賊朱能徐友諒擒之集金與商遂釋十三人郡中以為神明

趙良華

字居實翁州人進士嘉靖間以員外郎陞知府廉明剛直初吏解在府外公遷

之以便隄防有梗弊者力黜之卒于官士民悲悼

王鼎

字汝調汝州人進士嘉靖間以御史陞知府嚴明清慎修城池繕府治禁婦人

不得市易惟事桑麻至于防寇化蒙皆所究極姚俗為之一變

陳祥麟

字伯仁莆田人進士嘉靖間任知府力清刑弊鄰郡重獄未決者咸委質焉姚

人頌為青天
以內艱去

何

毅夫枝江人舉人嘉靖間任知府平

易寬仁修築夾口壩注水以濟大石棚

王

字一之羅田人舉人嘉靖間以御史任

王德純

知府剛明正大不事煩刻新棟川書院

趙

安福人官生嘉靖間任知府練達典故

正之從此稱平至祭器射圃經理井然嘗鏡

趙恒

晉江人進士嘉靖間任知府有才識尤

李忠臣

陝西涇陽人舉人萬曆間以副使任守

道敦大簡重節愛精詳開建城池為百

周希尹

宜山人舉人萬曆間任知府通才潔守

奉法惟謹建尊經魁屋諸閣修中南書院

童述先

沔陽人舉人萬曆間任推官署府事自

定變亂法紀凌葬民力凋瘵述先革軍

孔元德

威清人舉人崇禎間任知府姚境地土

曠遠旱澇不時各册滴水艱于

鶴慶府

增穀千餘石民生永賴陞兵巡安會道

元

高惠直 鶴慶路人為本路總管有德行眾所愛戴

明

林適節 莆田人進士歷官刑部主事廣西慶遠通判瀘州知州時鶴慶土官知府高倫

暴虐靖遠伯王驥奏革之即薦適節為流官知府正統八年蒞任撫治彝民壇廟驛堡多

所脩建規制一新

胡信 丹徒人進士正統間知府有興學造士之功

張海 德州人進士成化間以太僕寺卿不屈中貴出為知府愛民教士卓有政績弘

治元年陞順天府尹

劉珽 內江人進士弘治間知府有惠政民彝信服歲凶盜起捐金賑濟以活饑民盜

賊由之解散致仕歸以子貴贈戶部侍郎

孫偉 靖江人進士嘉靖間知府威軼強暴去之日民號泣不忍離

馬卿 林縣人進士任知府脩築堤壩水利均平與諸生談經講性多所造就

桑荆初 永寧舉人萬曆間知府剛果嚴密劔暴拔良脩學之功尤著

祁汝東 山陰舉人萬曆間知府體悌廉明先是北衙礦課累及里甲會江盈科以恤使

至汝東與謀極力丐免盈科特疏請蠲民賴休息建祠祀之

余庭積 鄞縣人萬曆間任知府意在興除持法無假貸催科擬兩稅之限礦課擬什一

之法民賴以甦蒞事期月茲轍更易竟成勞瘁將卒聞猾胥乘間壞法猶忿恨草檄逮治

百姓傷之為勒石
追感名曰哀思

劉璧 壽光舉人任同知周知民間疾苦聽斷執法人不敢干以私

張廷俊 鄆縣舉人任同知均水利訓社童嚴寇賊惠政實多

于大節 任丘人進士以御史謫鶴慶推官清直自持蒞政三年豪惡屏跡官至山東按察使

使

姚大英 烏撒舉人永昌府推官視郡篆清介不染毀淫祠清吏弊人心悅服及去士民

泣送

鄭恩 當陽人由吏員萬曆間任府經歷惠愛及民不事獻朴諸所暨立卓然有聲

越民牧 貴州舉人知劍川州以才能稱百廢備舉去任士民立祠祀之

李先芬 忠州人選貢萬曆間任順州知州性淡泊有才幹創州城社學墾田增戶有古

良吏風陞永昌府同知

陳開泰 字茹連廣東三水舉人崇禎庚午以南戶部郎中知府事愷悌廉靜歲饑作粥

全活無筭辛未文廟災竭力鼎建罷羨耗卻陋規賑北衙水災遷副使備兵威清士民遮

道泣送逾年卒於官身無長物鄉人胡平運賻以歸

順寧府

明

余懋學 貴州舉人萬曆間任知府時郡初設流凡城池官署學宮祠廟錢糧賦役皆所

經營裁定一十八年翁一日也陞金騰道

蒙化府

明

劉童

福建人永樂間知蒙化州以惠政為彝人感慕

蘇海鎮

太和人洪武間以經明行脩辟授蒙化學正忠信化俗

許尚

陝西舉人萬曆年在同知清慎嚴明愛民禮士繩奸緝吏境內肅然

忠烈

元

仁通

雲南省理問廉訪副使朵兒赤之子大曆二年三月雲南諸王與萬戶伯忽等

叛仁通率官軍抗之歿於陣

馮文舉

四川什邡人初舉鄉試授漢州學正達魯花赤燕僚佐以一手致酒舉不受隱

去次科登進士第仕雲南儒學提舉至元間明王珍攻雲南城將陷文舉謂其妻曰某受國恩愧不能退賊今有死而已爾光州馬中丞孫女也其從之乎馬曰夫以義亡妾生何益遂焚香北拜俱縊於學宮

驢兒達德

為雲南行省右丞初達里麻既敗梁王聞之率其母嘉禧妻忽的斤等百

餘人乘舟趨昆明池謂驢兒等曰我宗室無降理仰藥死妻子皆死之驢兒達德既進毒於王亦皆自殺妻子從死者幾二百人

董文彥

通海人天曆間任威楚路知事申慶鎮將敗狐叛攻威楚官吏皆遜彥獨死守

城陷賊欲降之文彥怒罵賊不絕口賊截其耳使啗之彥嚼血噴賊遂遇害明年敗狐伏

誅事聞陽諡莊愍官其子時中為祿豐主簿

明

王用之

鎮南人宣德間以監生任交趾慈廉州知州適交趾叛欲用之執節不屈被殺

後同何忠等贈官恤後

孫華

臨安衛前所百戶孫謀之弟成化十九年撤甸彝亂當道奏請往征華勇敢赴

闕歿於軍

高棟

姚州土舍弘治十六年會賊叛棟同大理指揮唐永擊之棟奮勇殺賊十餘人

追至板橋驛遇伏隻身還戰中十餘鎗死巡撫嘉其義勇以禮歸葬之

邵謙

臨安衛左所百戶正統六年征上江刀招罕寨克破排柵又攻馬鞍山戰歿

葉晟

臨安衛後所百戶性果毅嫻方畧正統間征上江奮勇殺賊歿於陣

董寶

大理人南詔清平官董成之後洪武間任順寧土經歷清敏慎勤部民安之後

以累功遷大理府土經歷麓川之役多著勞能以死事諭祭

李繼兒

鶴慶禦前所百戶正統六年從征麓川力戰死子轅痛父死奮入賊營亦死靖

遠伯王驥以事聞詔遣官諭祭贈繼兒武畧將軍副千戶轅忠顯校尉管軍千戶鎮撫仍

錄其子孫優恤賞賚

徐樾

字子直江西貴谿人任左布政使嘉靖間元江叛盤叛尋詐降撫臣以大吏往

撫樾行被殺贈光祿卿

張澤

字義甫江南桐城人由選貢任廣安州知州嘉靖間以治行卓異擢僉臬後督

兵討鳳繼祖敗績被執罵賊而死贈光祿寺少卿

楊忠惠

和曲人寄學雲南府嘉靖間鳳繼祖叛軍門議招降賊營以散其黨無敢前者

惠奮義請行賊執之忠惠不屈以蠻語罵賊賊怒殺之死甚激烈

楊廷瑚

邵人嘉靖間歲貢生倜儻好義值土賊阿旦之亂郡守往討廷瑚率鄉兵助之

奮勇力戰竟死於陣

高鳴

土舍多謀幹善騎射常分捕諸彝斂跡不敢為寇嘉靖三十年元江之變布政

使徐懋遇害獨奮身赴救死之事聞優恤其後

程世勳

後衛百戶嘉靖四十五年官兵討鳳繼祖世勳奉檄護餉至金沙江因令督偏

師出哨至波羅結堡陡值賊眾力戰死毋孀孀居于道南方在極祿妻蕭氏年十八矢志

冰霜事姑撫子垂五十年而終道南亦以孝聞有司上其事姑婦同入祠祀

蕪壽賜

萬曆三十五年任祿豐知縣時鄭舉等從武定寇祿豐夢賜率民兵力戰至元

旦方朝服祝釐賊眾擁至被執不屈死之男蕪萬民為父上疏奉旨贈光祿寺少卿廕子

立祠

龍旌

趙州人舉明經萬曆間為嵩明州學正賊攻嵩明旌偕大義效死不去比城陷

被執罵賊而死詔贈國子監博士

常宗孝

萬曆三十五年任嵩明州吏目楊禮等攻嵩明城陷宗孝闔門死之詔贈本州

同知廕一子入監讀書

唐俊德 鄉紳 **周之麟** 生 **陳宰** 百 **李印** 土官俱

萬曆三十五年鳳賊攻涼縣治德等
血戰被殺有司具題崇祀於忠烈祠

諸藩裕

尋甸守禦指揮萬曆間大理保作難寇
尋甸藩裕與千戶戚貴卿陳萬國土舍

賚有能皆
赴敵死之

郭俊義

山西平陽人萬曆間任陸涼州蒞政嚴
明苞直屏絕有膽力天啓間設科入境

焚劫乃率鄉勇家
丁禦之沒於陣

王應爵

郡千戶萬曆丁未鳳逆之亂以
孤軍死戰城陷全家俱自焚

吳繼勳

楚雄衛指揮使號南松勇智絕倫弱冠
掌衛募萬曆間督軍征緬屢戰屢捷緬

人恨之孤軍深入遂陷時年三十骸骨盡
失事聞賜祭於演武廳子起周襲其職

邵元齡

陸涼人世襲指揮有能名天啓間巡撫
代巡薦為通省世職第一明季擾攘冰

定洲作亂趙應元攻陸
涼城陷罵賊不屈而死

程

坤

昆明人以武進士為幕府贊畫天啓間
陞四川總兵中軍會西路提率兵赴援

至畢節城陷被執不屈而死月餘精英
屢見時聞陰風中有為厲鬼殺賊之語

周嘉映

字扶龍雲南中衛人天啓間以武舉署
霄平守備值霪益諸彝多不測時正發

兵援蜀映以密書告變謂藺州之患遠在千
里霪益之憂近在目前宜密為之備語洩諸

彝皆恨之後從參將尹啓
易討賊馬蹟為賊所害

李加培

平彝衛指揮天啓間
與周嘉映同死於陣

曹三捷

平彝衛指揮天啓間平彝諸蠻擾亂陷
衛城官吏士民皆奔獨三捷與賊戰死

左重

蒙化人萬曆甲午舉人丰標卓偉尚名節
天啓年授權縣知縣慈廉明斷會奢崇

明反自重慶窺成都圍城數匝城中堅守望
援重聞變榜示所部謂灌去省咫尺且北控
吐蕃首尾皆受敵惟敢行入省爾全而有功
邑人聽之遂肅隊薄城賊釋圍接戰死鬪不
却力竭馬蹶罵賊而死事聞贈光
祿鄉廕子蒙化衛千戶建祠崇祀

周二南

字汝為郡人天啓間選貢授長沙府判
超陞岳州知府士民遮留不得行改陞

本府知府闖賊犯瀏陽南率兵剿禦鏖戰竟
日後軍不繼遂死於陣事聞贈太僕寺卿祀

忠烈祠廕
子入監

席上珍

姚安人明末鄉薦流寇入滇上珍與姚州
知州何思據姚安城固守孫可望令張

虎領兵攻擊城破上珍與何思被
執不屈賊剝其皮至頸罵聲不絕

朱永吉

字飛之廣西桂林人精天文術數初客
將投傅宗龍幕中安邦彥圍黔永吉解

圖有功後隨宗龍至滇崇禎間滇巡撫王伉
討奢名聲題授遊擊屢破賊衆為聲名所擢
後因吾必奎通賊永吉身被重傷力戰不已
會諸軍皆潰自刎死偏將趙能馮忠葬於路
側趙能亦自刎事平題
請廕一子世襲百戶

高其勳

字懋功馬龍武舉初襲馬龍所捐揮明
末以才能陞沱鎮中軍吾必奎反授參

將守武定後汝定洲反攻武定勳竭力守禦
圖月餘力竭城陷服衣冠哭拜飲毒而死遺
令從者
焚其屍

王信

四川宜賓人崇禎間知呈貢縣奢名聲
叛鎮撫令信為監軍敗績罵賊而死事

聞予
贈廕

朱家梁

江寧人崇禎間任寧州知
州會沙會焚劫罵賊殉難

單國祚

浙江會稽人崇禎末任通海典史管本縣驛務值沙逆兵破縣城坐堂上持印罵賊被殺既死而篆猶在手握拳不開縣人墓於諸葛山下

何天衢

字升宇三鄉城人有勇畧阿迷州土酋三名聲謀逾擬三路出兵會戰昆明因遣銳手三百名促天衢由維摩羅平一路天衢慨然曰此丈夫報効朝廷時也豈可與賊反耶遂坑數鏡手率先歸順維摩署州事李嗣泌開城納之時名聲已陷彌勒聞天衢及正患在心腹急徵兩路兵歸不敢大肆巡撫王伉題其功授叅將守禦會逾累功陞都督同知名聲怒甚自攻天衢名聲中砲死其妻萬氏屢與之戰天衢勢孤糧盡舉家自焚死

游大勳

江南婺源貢生崇禎初任通判好士恤民以才畧著會名聲叛大勳督土舍王顯祖及郡人趙定周往禦營壘未立賊突至土兵奔潰勳正色當之遂遇害定周亦死崇祀

徐道興

河南睢陽人崇禎間以都司經歷署師興激勸有方積逋皆完聞流賊將至泣涕曰流寇之禍慘烈中原吾恨不能食其肉耳丁亥年流寇屠曲靖興嘆曰力薄兵微不能抗賊吾死分也爾士民何罪而罹此慘乎各率家遠避勿顧我士民欲道興同行興厲聲曰社稷之臣死社稷封疆之臣死封疆吾志決矣言罷鬚眉欲裂眾皆泣去左右止一僕以白金二錠贖之曰此朝廷俸物也念汝勤苦多年以一酬汝其一俟賊退置棺殮我僕擲金大哭力請從死歷一日夜忽見塵起興曰賊至矣爾不即去我與爾皆無遺骨爾之遇也僕叩頭泣血狼狽出城賊闖入中堂興大

罵賊猶追其出迎賊首與愈怒以手中酒盃擊賊曰吾朝廷命官豈從賊求活者耶罵不

絕口遂

遇害

趙興基

太和縣舉人崇禎年任廬州府判流賊破城著衣冠死於城樓

尹夢鰲

太和縣舉人崇禎年官潁州知州流賊破城具冠服殉難

馮大成

尹夢旗

尹夢符

大理人乙酉年沙定洲之亂與兄夢旗

同馮大成舉義為賊執俱罵賊死夢符支解尤慘

羅國嘯

宜賓人順治丙戌年任雲南巡按沙定州陷省城不為屈行法自如流寇至國

職巡視被執至省縱火自焚死

朱壽鉢

明宗室山東兗州人崇禎末以部院徵兵雲南孫可望至曲靖被執不屈械繫

二十餘日強以官復大罵不食可望殺之題詩於壁云丈夫勁骨傲千秋青史丹心一片留金碧有燐隨我化江山多故備誰收煙塵已暗中原路風雨仍翻徹夜愁寧使忠魂歸見帝肯教含詆對深離與僕三人同遇害

蕭時顯

崇禎間任府同知加意民瘼留心政治任滿因道阻寄寓大理沙定被城自縊

楊畏知

寶鷄人崇禎末任金滄道值沙逆圍楚雄力拒得全入滇不屈死餘詳大事考

王士傑

順治丙戌年任太和縣丞有治才沙定圍城盡心捍禦死於城上教授段見錦

自盡於學宮經歷楊明盛同子楊一甲司獄魏崇治皆死之

高拱極

大理舉人孝友持躬風雅範俗順治丙戌年沙賊破城投池自盡督學謝於道

批獎

楊士俊 太和縣舉人順治丙戌年汝

楊憲 太和縣庠生丙戌年汝賊圍城憲倡拒

俱自焚死
屢奉旌獎

陳禎 指揮應襲順治丙戌年汝賊

楊恣 大理人端方向義順治丙戌年汝賊破城

因妻死節遂
終身不娶

王承憲 楚雄衛指揮壬子科武舉授遊擊為揚畏

理賊退而復至憲將中軍往禦土司那崙等

亦戰死全軍皆破

張朝綱 廣通人崇禎選貢任源州同知致仕家

國恩何穎對賊因同妻自縊不失左右序子

杜天禎 楚雄人中崇禎已卯鄉試少以忠義自

流寇至首畏知往禦賊績城中瓦解天禎書

子千秋電火求後世免一青史
罪名旋至西賊正衣冠自縊

劉廷標 號震起蜀上杭人薦舉任通判署永昌

殉此身三載餘生慚後死今云猶是大明臣

縊從先帝共結君臣萬古愁憶昔遶爺兩膝

儻得雙親慰可兒書畢從容自縊而死

王運開

字子郎蜀峽江舉人任推官署金騰道印順治丁亥年流寇至滇運開與劉廷標謀守瀾滄江拒賊時迤西震動人心已散乃與廷標對酌回郎自縊死

本朝

高顯辰

直隸灤州人康熙九年任雲南知府立品剛方蒞治嚴核胥吏不敢肆其奸吳逆叛抗節不從遂杖於市戍永昌衛服毒以死事聞贈太僕寺卿廕一子入監讀書同知劉崑江西南昌人亦於康熙九年任峻厲公忠不阿吳逆與顯辰立受杖戍騰衝衛隱忍戍所始終不渝奉

旨仍以原官

補用

楊應鸚

貴州貴陽府同知吳三桂叛兵至黔應鸚執義不屈賊械繫之後錮於蒙化反

大兵將入滇爲留守郭壯圖遣人至蒙欲執應鸚回省鸚設席燕飲談笑從容先令其妻妾盡節隨自殺

徐升曜

元謀人羅羅副將奉遣往蜀招撫王屏藩不屈被害奉

旨嘉其忠義贈左都督賜祭葬

陳珀

福建泉州府惠安縣人由將材吳逆變亂授爲親軍水師前將軍於康熙十八年正月十八日傾心帶印率領全標官兵大小船隻盜甲什物燒營獻岳州城投誠

旨加左都督

授爲援剿左路總兵官在安南衛沙

子哨身先士卒奮勇殺賊陣亡經前任總督

蔡毓榮題報往兵部議覆蔭一子以守備用

閔洪標

河南開封府人由百總歷官雲南提標前營遊擊在安南衛沙子哨與賊對敵衝鋒直上射象殺賊陣亡經前任總督蔡毓榮

題報准

兵部議覆議卹廕子弟一人以守備推用

林宗珍

福建漳州府龍溪縣人由廕生於康熙二年投誠歷官雲南提標後營遊擊在安南衛沙子哨與賊對敵奮勇衝鋒直上射象殺賊被鎗子打傷頭額陣亡經前任總督

蔡毓榮

題報准 兵部議覆議卹廕子弟一人以衛千總推用

包汝才

湖廣人湖廣援剿左路鎮標中營中軍守備在沙子哨奮勇殺賊陣亡陞北勝州康熙二十五年奉

旨贈都司僉書遣官

羅喜

廣東人湖廣援剿左路鎮標右營右哨把總在沙子哨殺賊射象奮勇陣亡陞蒙化府康熙二十五年奉

旨遣官

諭祭

